




1110

Biblioteka
Ojców Kamedulów
w Bieniszewie



DIURNUS

SACERDOTVM CIBVS

AD MENSAM ALTARIS PRÆVIUS
Seu

Considerationes de dignitate
munere obligationibus &c

Sacerdotij

P. D. Evermitt. Amal. in sub. Pign.

POSNANIÆ 1691. impressæ

SANDOMIRIÆ autem 1733 reimpressæ
una

CUM OBSERVATIO-
NIBUS LITURGICIS

R. P. GASP. DRUZHICKI
SOCIETATIS JESU

ac alijs

Ante & post Missæ Sacrificium preca-
tionibus.

Typis clari Collegij Sandomiriensis

Soci JESU.

Regali Sacerdotio salutem.

Diurnum, o Regale Sacerdotium, cibum
pra manibus & oculis habes: idq;
geminum. Primum Romæ Clem: IX.
Anno. 1667. in apertura portæ aureæ,
piæ meditationi; alterum Incarnata
Sapientia JESUS, in Sacramento Al-
taris devotæ consecrationis & sumptioni
apposuit. Primum condiunt dulciora scrip-
turarum ac Patrum eloquia; alterum ple-
næ suavissimis affectibus observationes Li-
urgicæ, ac alia pietatis exercitia. Ad
primum te invitât illa comminatio Osee.
& quia tu scientiam repulisti, repellam
te ne Sacerdotio fungaris mihi; ad alte-
rum ineffabilis amor JESU te attrahit:
Venite ad me & ego reficiam vos. In-
trosumè utrumq; cibum hunc cum dese-
derio, ut te priori conformes, et totum te
transformes in alterum juxta illud
Christi Domini: tu mutaberis in me: ac
volè optimè.

Bf Bieu. B. V. 25.

HEBDOMADA PRIMA.

Die Dominico.

Dignitas Sacerdotum Regalis

Consideratio prima.

IN Lege Natura, & in Lege scripta,
apud Gentiles, & Hebraos supra omnes
res mundi dignitates fuit in pretio Sa-
cerdotium: Reges enim, multis in orbis
partibus erant Sacerdotes: & Deus illis
conquam Regibus tributa conferri iube-
bat.

Apud multas nationes, Sacerdotes erant
Iudices populi: Deut: 18. Iussit De-
us. Venies ad Sacerdotes, & facies
quodcumq; dixerint, sequerisq; sen-
tentiam eorum: qui autem superbie-
rit molens obedire Sacerdotis Imperio,
morietur homo ille.

A Regibus summo in honore semper
habiti sunt, ita ut Constantinus Imp. in
primo Conosilio Niceno nunquam sedere

ausus fuerit, antequam Sacerdotes conse-
dissent.

Apud Hebraeos summa dignitas filio-
rum Regum erat Sacerdotium: Ideo Fi-
lij David Sacerdotes erant.

Sunt Sacerdotes superiores Regibus,
unde Chrysost: Si vis videre, quantum
abest Rex à Sacerdote, expende mo-
dum potestatis utriq; traditæ, & vide-
bis Sacerdotem multò sublimiùs Rege
sedentem. Sacerdotis thronus in cælo
positus est, de cælestibus negotiis pro-
nunciandi habet auctoritatem.

D. Greg: Nazianz. super illa verba
'Apoc. [Fecistinos Deo nostro Regnum,
& Sacerdotes] ait: Imperium enim
nos ipsi gerimus, multò etiam præ-
stantius, & excellentius Regno terreno.

Feria II.

Sacerdotes sunt plus quàm homines,
sunt Angeli.

Consideratio secunda.

Tunc Christus voluit inferre Sacerdo-
tes esse plus quàm homines, cum

cum ait: Quem dicunt homines esse
filium hominis: *postea conversus ad A-*
postolos ait: Vos autem quem me esse
dicitis.

Et Glossa Interlinearis super illud Pau-
li ad Hebr: 5. (omnis Pontifex ex ho-
minibus assumptus) id est ex commu-
ni hominum statu, super alios elevatus.

Malachias ait: Sacerdos Angelus Do-
mini exercituum est *Super quæ verba S-*
Ioan Chrysoft. Sacerdos Dei verissime
Angelus, id est, nuntius dicitur, quia
Dei & hominum sequester est.

Et 10: Ap: scribens septem Episcopis O-
rientalium Ecclesiarum vocat eos Angelos

Paulus ad differentiationem Sacerdotum, qui
sunt Angeli terrestres, ait ad Galatas.

Et si Angelus de cælo. &c.

Mandavit idem Apost: velari capita mul-
ierum in Ecclesijs propter Angelos. id est
propter Sacerdotes, ne oculi eorum con-
taminarentur.

D. Hieron. In Carne præter carnem
vivere, Angelica vita est. Ioan.

Ioan: Ap. Qui non nubent, neque nubentur, sunt sicut Angeli Dei. idcirco quatuor Angelorum proprietates æmulari debemus: Scientiam, Castitatem, custodiam ovium Christi, & Legationem apud Deum pro peccatoribus.

Feria III.

Sacerdotes sunt Amici Dei.

Consideratio 3.

I*mperator ille Seculorum, qui nullam habet sibi creaturam aequalem, imò in cuius conspectu cœli non sunt mundi, & quæq; nobilior creatura, est vermiculo inferior: attamen pluries dignatus est Amicos appellare Sacerdotes, postquam eos consecravit, cum ait: lam non dicam vos servos, non enim hoc patitur dignitas, vobis collata, sed amicos: & alibi. Dico autem vobis amicis meis ne terreamini, unde D Greg. Papa exclamatur: O! mira Divinæ Bonitatis dignatio! servi digni non sumus, & vocamur amici: quanta dignitas est! Sacerdotes esse amicos Dei, magna & splendida ista præmia sunt.*

Vere



Verè in praxi Deus Sacerdotes, ut Amicos carissimos tractat: nam si amicorum omnia communia, Deus non solum communicavit bona fortuna, Naturæ, Gratiæ, & Gloria, sed [quod est infinitæ admiratione, & amore dignum] communicavit etiam propriam carnem, & sanguinem.

Solent insuper amici inter se mutuò revelare secretiora arcana; & hoc Deus homo fecit, ut ipse testatur, dicens: Omnia quæcumq; audivi à Patre meo, nota feci vobis.

Amicorum mensa communis. Nescivit Rex David melius remunerari fidelissimum amicum, quam dicendo illi Tu comedes panem in mensa mea semper.

Invitatus Aman, à Rege Assuero quam gloriabatur repetens. Cras cum Rege pransurus sum! Sed o quam laetè hoc munus contulit amicis IESVS, cum postquam sua carne in Mensa pavit novos Sacerdotes, ait illis. Ego dispono vobis sicut disposuit mihi Pater Regnum.

ut edatis, & bibatis super mensam meam in Regno meo: & ideo quotidie Sacerdos invitatur ad mensam Altaris, ubi in cibum illi dantur carnes amictus. **IESV.** O mira dignatio! O Charitas!

Feria. I. V.

Sacerdotes sunt Dij.

Consideratio 4.

Auctoritas absolvendi à peccatis est opus Dei: unde, quando Christus ait: O homo remittuntur tibi peccata tua; experunt turbæ dicere, quis potest dimittere peccata, nisi solus Deus? **El.** as semel tantum clausit, & semel aperuit calum, ut prohiberet, utque aperiret fontes aquarum; sed Sacerdos millies in die potest claudere calum, & aperire, ut fluant è sinu Altissimi fluentia gratiarum.

Bene igitur David. Filios Dei Sacerdotes vocat, dicens: Afferte Domino filij Dei, afferte Domino filios arletum. & alibi. Deus stetit in Synagoga Deorum, in medio autem Deos dijudicatis & alibi. Ego dixi Dij estis: &

& alibi. Nolite tangere Christos meos.

Quodam modo (sanè loquendo) videntur plus quàm Dij, dum toties in Altari Deum, & humanitatē eius. SS. benedicūt.

Vult Deus, ut Sacerdotes suam prope immensam dignitatem intelligant; unde postquam illos ordinavit, ait. Scitis quid fecerim vobis? ideo filios Heli vocat filios Diaboli, eo quod Sacerdotalem dignitatem non agnoverint. Filij Heli, filij Belial, nescientes Dominum; neq; officium Sacerdotale.

Deus ipse summopere honorat Sacerdotes, & vult, ut honorentur ab hominibus; ait enim: Nolite tangere Christos meos. Et. Qui tangit me, tangit pupillam oculi mei. & per os Spir. S. In tota anima tua time Deum, & Sacerdotes honora, & alibi Honorifica Sacerdotes. Et IESVS bis misit leprosos, & infirmos ad Sacerdotes; et quamvis sciret illos esse Hypocritas tristes, attamen ait: Omnia quæcunq; dixerint vobis, servate, & facite. Et ipse Deus. A s &



Homo, promptissime & quam sapientissime obedit Sacerdoti ad nutum eius. descendens in Hostiam & Calicem.

Feria V.

Dignitas Sacerdotalis sententijs SS. Patrum comprobatur.

Consideratio 5.

D. Dionys Areopag. Qui Sacerdotem dicit, augustiorem prorsus, Divinumq; virum insinuat, totiusq; sanctæ scientiæ peritissimum.

D. Ignat. Episc: Sacerdotium est apex bonorum omnium, quæ sunt in hominibus.

D. Greg: Nazianz. Num sibi honoris expers videtur hoc Sacerdotium, quod ipsi quoq; Angeli, purissimi Dei cultores venerantur, tanquam ipsorum cultui minimè impar.

D. Ambros. Nihil est in hoc sæculo excellentiùs Sacerdotibus, si quod sumus professione, actione potius, quam nomine demonstraremus, ne sit nomen inane, & crimen immane, ne sit honor sublimis, & vita deformis. **D:**



D. Io. Chrysoſt. Sacerdotibus commiſſum eſt, ut ea, quæ in cælis ſunt, diſpenſent: ijs datum eſt, ut poteſtatem habeant, quam Deus Optimus Maximus, nec Angelis, nec Archangelis datam eſſe voluit; neq; enim illis dictum eſt, quæcunq; ligaveritis ſuper terram erunt ligata & in cælis, & quæcunq; ſolveritis ſuper terram, erunt ſoluta & in cælis. Etenim quid nam hoc aliud eſſe dicas, niſi omnem rerum cœleſtium poteſtatem, illis à Deo eſſe conceſſam. Quid cum hoc honore conferri poteſt? Sacerdos ſedet Iudex in terra, & Deus ſequitur ejus ſententiam, atq; confirmat, ut quidquid hic in inferioribus judicaverit, hoc ille in ſuperioribus comprobet

Feria VI.

Ex *D. Io. Chryſoſti* ſententijs dignitas Sacerdotis oſtenditur.

Conſideratio 6.

SI quis conſideret, quantum ſit myſterium Eucharifticum, probè is intelliget, quanta dignitate A 6 Sa

Sacerdotes, Spiritus Sancti gratia, dignati fuerint.

Cogita quall sis insignitus honore, quali mensa fruaris, quod Angeli videntes exhorrescunt, nec liberè audent intueri propter emicantem inde splendorem: hoc nos pascimur, huic unimur, & facti sumus unum Christi corpus, una caro. Audiamus ergo Sacerdotem quali mensa facti sumus digni, & horreamus. Sanctis carnibus suis nos dedit impleri, semetipsum apposuit immolatum, quænam igitur erit nobis excusatio, cum talibus pasti, talia peccemus: cum lupi fiamus agnum comedentes; Terribilia, & honorifica sunt, quæ administrat Sacerdos. Non mortalis quispiam, non Angelus, non alia quævis creata potentia, sed Deus ipse ordinem Sacerdotalem disposuit; idè Sacerdos Rex dicendus est: & multò honoratior. Nam si de bonis cælestibus agatur, Rex ad Sacerdotem, non Sacerdos ad Regem confugere solet.

Sabbato.

Vere

Verbis D. Augustini confirmatur di-
gnitas Sacerdotum.

Consideratio 7.

O Veneranda Sacerdotum dignitas, in
quorum manibus, veluti in utero
Virginis, Dei Filius incarnatur: ô sa-
crum mysterium, quod per vos Pater;
& Filius, & Spiritus Sanctus operatur.
Uno eodemq; momento idem Deus,
qui præsidet in cælis, in manibus vestris
est in Sacramento Altaris. O venerabi-
lis sanctitudo manuum. O felix exerci-
tium, ô vere mundi gaudium! Christus
tractat Christum, id est Sacerdos Dei
filium, cujus sunt deliciae esse cum filijs
hominum, & quod datum non est An-
gelis, concessum est homini.

Sacerdos hoc ineffabile conficit my-
sterium. & Angeli conficienti sibi, qua-
si famuli assistunt. Super hoc tam insi-
gni privilegio stupet cælum, miratur
terra, veretur homo, horret infernus,
contremiscit Diabolus, & veneratur
quamplurimum Angelica celsitudo.

Si beatus est venter, qui novem mensibus Christum portavit, & beata debent esse corda eorum, in quibus quotidie eligit hospitium Filius Dei. Si beata sunt ubera, quæ parvulus suxit, beatum debet esse os, quod carnem ejus sumit, & sanguinem sugit.

HEBDOMADA SECUNDA.

Die Dominico:

Admirabilis unio Sacerdotis cum Christo in Eucharistia:

Consideratio 8:

Ait *Veritas*, qui manducat meam carnem, & bibit meum Sanguinem, in me manet, & ego in eo.

Ideo Paul. Vivo ego jam non ego; vivit verò in me Christus:

*O matrimonium purissimum! cui con-
gruit: iam non sunt duo, sed una ca-
ro. Et Erunt duo in carne una. Sacra-
mentum hoc magnum est, ego autem
dico in Christo: & in Ecclesia. ait
Paulus qui subiungit. Membra sumus
corporis ejus, & de carne ejus, & de
ossibus ejus.* S,

S. Cyrillus. Si quis liquefactæ ceræ
altam ceram infuderit, alteram cum al-
tera commisceat, necesse est; ita qui
carnem & sanguinem Domini recipit
cum ipso ita conjungitur, ut Christus
in ipso; & ipse in Christo inveniatur.

D. Greg: Niss. Sicut parum fermen-
ti sibi assimilat totam conspersionem,
ita Corpus Christi cum fuerit intra nos,
totum ad se transmutat, transfert.

D. Ioan: Chrysof. Nos secum, & ut
ita dicam in unam massam reducit. neq;
idem fide solum, sed re ipsa nos suum
corpus efficit

Ideo S. Agnes aiebat. Iam corpus e-
jus corpori meo sociatum est, & san-
guis ejus ornavit genas meas.

D. Ioan Chrysof. Ut itaq; non tani-
tum per eharitatem hoc simus, verum
ipsa re in illius misceamur carnem,
hoc per escam efficitur, quam largi-
tus est nobis.

Ea re nos alimur, quam Angeli
videntes tremunt.

Feria II.

Quam

Quam strictè ratio reddenda à Sa-
cerdotibus in die Iudicij

Consideratio 9.

Quantum discrimen iure erit inter
examen Laici, & Sacerdotis, inter
siculum communem, & siculum sanctuarij;
ô quanta disquisitione unica Missa ven-
tilabitur quo fine, quo modo, qua ani-
ma accessisti ad tremenda mysteria. Cui
multum datum est [ait I E V S] mul-
tum requiretur ab eo; & cui commē-
daverunt multum plus petent ab eo.
Tibi ô Sacerdos commendati sunt Thesau-
ri omnes sapientia, & Scientia Dei in
Christo fidei, tibi data est potestas in cor-
pus verum, & in mysticum Christi, Ti-
bi data claves cali, ut aperias & clau-
das illud Laicis. Vide ergo, ne tibi fors
Balthasaris contingat in hora exitu tui,
ne tuus Angelus tibi dicat, appensus es
in statera, inventus es minùs habens,
cui consequitur. Projicite eum in tene-
bras exteriores, &c.

D. Hieron. Sacerdotes in die Iudicij
magnis supplicijs torquebuntur, &c.

& hoc Domini fiet iudicio, ut qui plus
acceperunt, plus exigatur ab eis.

*D. Chrysoſt. Auctor, ut aſſerunt, operis
imperfecti dicit rem horrendam. Laicus
in die iudicij ſtolam Sacerdotalem ac-
cipiet, & à Deo Chriſmate ungetur in
Sacerdotem. Sacerdos autem peccator
ſpoliabitur Sacerdotij dignitate.*

Feria I. I. I.

Sequitur id: Argumentum.

Conſideratio 10.

SCrutabor Hieruſalem in Lucernis
*Sait Spiritus Sanctus & Petrus Apoſto-
lus. Tempus eſt, ut incipiat iudici-
um à Domo Dei. Id eſt à Sacerdotibus!
& ô quàm tremendum iudicium, fratres
nobis imminet.*

Audite Sacerdotes & attendite, quia
vobis iudicium eſt, quoniam laqueus
facti eſtis ſpeculationi, & ſicut rete ex-
panſum ſuper Thabor. *Oſea 5.*

*D. Chryſoſt. Verè magna confuſi-
o Sacerdotum quando Laici inveni-
untur fideliores & juſtiores. Quapro-
pter ait Petrus Apoſt.*

Era.

Fratres magis satagite; ut per bona opera certam vestram vocationem, & electionem faciatis.

D. Bern. Si altiozem & non meliorem esse delectat, non præmium, sed præcipitium expectemus.

D. Io. Chryso. Grandis dignitas Sacerdotum, sed grandis ruina, si peccent: lætemur ad ascensum, sed timeamus ad lapsum: non est tanti gaudij excelsa tenuisse, quanti maroris de sublimiori corruisse.

D. Greg. Papa. In illud estote parati, quia, qua hora non putatis, filius hominis veniet.) ait: sollicitè considerare nos admonet fratres, ne nos qui plures cæteris in mundo accèpisse certimur ab auctore mundi, gravius inde iudicemur.

Feria IV.

Quanta perfectio, & Sanctitas requiratur in Sacerdote.

Consideratio II.

Longè maior requiritur sanctitas in Sacerdote, quam in Monacho. hoc

*hoc patet in Sacris Canonibus, & anti-
tiquis. Hieron. scribens ad Rusticum Mo-
nachum ait. Sic vive in Monasterio, ut
inrearis Clericus esse: multo tempo-
re disce quæ post modum doceas.*

*D. Chrysof. Monachorum certamē-
ingens, verum si conteras, cum recte
administrato Sacerdotio tantum discri-
men comperies, quantum inter priva-
tum, & Regem.*

*Tanta erat sanctitas quorundam Sa-
cerdotum Synagoga, ut ad aperiendam
Arca viam per medium Iordanis suffe-
cerit, ut pedibus Sacerdotalibus calcare-
tur iter undosum, & sic siccato alveo
pertransit Arca. Sacerdotes solo tubarum
tinnitu muros Hiericho destruxerunt.*

*Elegit Deus Sacerdotes, ut Aaron ab-
omni vivente offerret illi sacrificium,
& placaret pro populo suo.*

*D. Io. Chrysof. Splendore vitæ totū
illuminantis orbem, splendere debet
animus Sacerdotis. Id. Vehementer Ec-
clesiam Dei destruit, meliores Laicos
inveniri, quam Sacerdotes. FERIA*

Verbis Christi, & Apostolorum Petri
& Pauli, & Concilij Tridentini,
confirmatur præcedens doctrina:

Consideratio. 12.

*S*ummam sanctitatem requirit Christus
in nobis, dum ait: Vos estis lux mundi,
di, Salteræ, Pastores ovium, Piscatores
hominum, iudices sæculi, Discipuli,
& amici Dei.

Ideo Apost. ait. Repurgemus dilectissimi nos ab omni inquinamento
carnis, & spiritus, perficientes sanctificationem
in timore Dei, nec ulla aliqua in re dantes
offensionem, ut non vituperetur ministerium
nostrum, sed in omnibus commendemus nosmetipsos,
ut Dei ministros.

Concl. Trid. in sess. 14. ait. Clerici Laicis in vita,
sicut in officio præcedant. & alibi. Moneant
Episcopi suos Clericos, ut conversatione, sermone,
& scientia Dei populo præcant, memores
ejus, quod scriptum est; Sancti estote, quoniam
ego Sanctus sum. *D.*

D. Petr. Apost. sic concludit. Vos autem genus electum, Regale Sacerdotium, gens sancta, populus acquisitionis, ut virtutes eius annuntietis, qui vos de tenebris vocavit in admirabile lumen suum.

Concil. Trid. Clerici levia delicta (quæ in ipsis maxima essent) effugant, ut eorum actiones cunctis afferant venerationem.

Sic vivant Clerici, ut possint cum Paulo Ap. dicere. Nostra conversatio in caelis est, non in plateis, non in theatris non in convessationibus, & ludis, sed in calis, in Cella, in Ecclesia, in Hospitalibus, & Oratoriis.

Feria V I.

Sacerdotum crimina, quàm graviter lædant Divinam Majestatem.

Consideratio 13.

D *Iu. Chryso.* Nulla re Deus magis offenditur, quam quod indigni, & peccatores Sacerdotij dignitate præfulgeant.

Idem. si privatim pecces, nihil

nihil tale passurus es; si in Sacerdotio peccas, perlisti.

Idem. Dico horribile quoddam, atq; tremendum: non est ita malum in Ecclesia Dei dæmoniacos esse, sicut Sacerdotes, qui peccatorum sordibus inquinantur: hoc enim pessimum est, ut ait Paulus Christum conculcare, & sanguinem eius pollutum ducere, & spiritui gratiæ contumeliam facere. Nullus igitur impuro animo, sicut Judas Pannem cælestem assumat.

D. August. Gravius peccant indignè offerentes Christum regnantem in cælis, quàm qui eum crucifixerunt ambulantem in terris.

D. Greg. Papa. Nullum puto fratres charissimi, malus præiudicium ab aliis quam à Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit, quando ipsi peccamus, qui compescere peccata debebamus.

D. Io. Chrysost. Graviora sunt vicia, propter Sacerdotis, qui

qui ea cōmisit, dignitatem.

Sabbatho.

Verbis S. Scripturæ comprobatur præcedens veritas.

Consideratio 14.

O *Quam amarè conqueritur Deus apud Hier: dicens. Quid est, quod dilectus meus in Domo mea fecit scelera multa. Et Psal. 54. Si inimicus meus maledixisset mihi, sustinuissem atq; tu verò Dux meus, & notus meus, qui simul mecum dulces capiebas Cibos. Id. est in mensa Altaris; Et apud Malach 2. Vos autem recessistis de vias, & scandalizastis plurimos in lege.*

Et Malach. 1. Filius honorat Patrem, & servus Dominum suum, si ergo pater ego sum, ubi est honor meus, & si Dominus ego sum, ubi est timor meus, dicit Dominus exercituum: ad vos Sacerdotes, Et per os Isaia tenere flet ingritudinem Eclesiasticorum dicens. Filios enutrivit, & exaltavi, ipsi verò spreverunt me.

trivi mea carne, & sanguine; exaltavi
ad Sacerdotium, apicem omnium bono-
rum, ipsi verò peiores iudà. & Satanà suis
sceleribus, Spreverunt me, Deus sum-
mum bonum.

HEBDDOMADA TERTIA.

Die Dominico.

Quam severè Sacerdotum culpas casti-
gat omnipotens.

A Mos 3. Deus sic ait. Quia tantum
modo vos (id est Sacerdotes) co-
gnovi ex omnibus cognationibus ter-
ræ. idcirco visitabo super vos omnes
iniquitates vestras.

Deut. 21. Sicut antea lætatus est
Dominus super vos benefaciens vobis,
sic lætabitur subvertens vos, atq; disper-
dens. Intelligite hoc Sacerdotes qui ob-
liviscimini Deum, ne quando rapiat,
& non sit qui eripiat.

Nobis Sacerdotibus dictum est illud
Psal. 68. Fiat mensa eorum coram ip-
sis in laqueum. Rarò obliviscitur Deus
peccatorum Sacerdotum. De peccato He-
bi. ait. Idcirco iuravi

do;

domui Heli, quod non expietur iniquitas
Domus ejus usque in sempiternum.

*Peccatum Ozæ levissimum quam se-
verè punitum fuit. Iratus est Dominus
indignatione contra Ozam, & percussit
eum, & mortuus est ibi juxta arcam: O
terribilia Iudicia Dei! quis non timebit te
Rex virtutum?*

Numquid carnes sanctæ auferent à te
malitias tuas in quibus gloriata es? *Hier.
II. noli hoc sperare, ó anima pravari-
catrix.*

Feria II

Sequitur idem Argumentum.

Consideratio 16.

Postquam Deus Ezechieli ostendit abo-
minationes futurorum Sacerdotum, ait
Non parceret oculis meus, nec mihi
ferebor, & cum clamaverint ad aures
meas voce magna, non exaudiam eos.
*Hoc est contra illam sententiam toties. é
suggestis decantatam, sed à me nunquam
in scripturis inventam. In quacunq; ho-
ra ingemuerit peccator, peccatorum ei-
jus non recordabor amplius. Nunquam*

sic locutus est Ezechiel, sed verè capite 18, num 21, ait. Si autem impiùs egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium & iustitiam, vitâ vivet, & non morietur: omnium iniquitatum ejus, quas operatus est, non recordabor.

Per os Malach; ait Deus. Et nunc ad vos mandatum hoc ô Sacerdotes; si non veritis ponere super cor, ut detis gloriam nomini meo, mittam in vos egestatem, & maledicam benedictionibus vestris & dispergam super vultum vestrû stercus solemnitatum vestrarum. O comminatio tremenda, & planè horribilis! Et paulò post ait. Propter quod, & ego dedi vos contemptibiles, & humiles in omnibus populis sicut non servastis vias meas. Propter scelera nostra permittit Deus nos parvipendi à laicis, & gravari pensionibus à Prælatiis. Quid ergo agendum, ut tanta flagella vitemus? Custodiant præcepta mea ut non subiaceant pecca-

to, & moriantur in Sanctuario *Levite*
Feria 11.

Sequitur idem Argumentum.

Consideratio. 17.

IN Revelationibus S. Brigittæ sapissimè
 Deus conqueritur super iniquitatè Sa-
 cerdotum, exaggerans gravitatem & c.
 vocans eos: peiores Iudæis & paganis,
 & omnibus alijs delinquentibus, asserens
 majora tormenta inferni esse illis reserva-
 ta, & majori supplicio puniendos quam
 Iudam. Et in quodam capite replet eos mil-
 le horrendis maledictionibus & infine ma-
 ledicit JESUS, quidquid edunt, bibunt,
 tangunt, elementa quæ eos sustentant. &
 illæ Revolutiones sapius ab Ecclesia appro-
 batiæ fuerunt.

Deut. c. 48. Percutiet te Dominus e-
 gestate, feбри, frigore, & ardore, & æstu,
 & aere corrupto, ac rubigine, & perse-
 quetur donec percas.

*Punivit Deus Moysen & Aaron Sa-
 cerdotem propter peccatum leve reputatum;*

B 2.

quia

petra, & nolens propter hoc eos ingredi
terram promissionis.

Nadab, & Abiud filii Aaron statim
ac fuerunt à Deo morte improvisa per-
cussi, quia in thuribulis posuerunt ignem
non institutum à DEO; peccatum, prima
facie, admodum leve. Quid fiet de Sacer-
dotibus, qui vel vendunt Christum ignem
Divinum, vel ignem luxuriz ad altare
circumferunt. Heu horror!

Feria IV,

Deus ideo severè punit culpas Sacerdo-
tum, quia ipsi sunt petra scandali, &
causa peccatorum populi.

Consideratio. 18.

D Greg: Ruina populi maximè ex-
culpa Sacerdotum fuit.
Et alibi. Quanto mundus gladio,
feriatur a peccatis, qui bus quotidie per-
cussionibus populus puniatur, vide-
tis; ex cujus hoc? ex Sacerdotum pec-
cato agitur. Nos preceunti populo au-
ctores mortis existimus, qui esse debere-
mus Duces ad vitam; ex nostro pec-
cato

eato populi turba prostrata est, quia no-
strâ negligentia, ad vitam erudita non est.

D. Bern. Misera Sacerdotum con-
versatio, Dominicæ plebis miserabilis sub-
versio est.

Ambr. Populum videmus nugacem,
& indoctum, eo quod tales habent Sa-
cerdotes.

D. Io Chrysof. Si Sacerdotes fuerint
in peccatis, totus populus convertitur ad
peccandum, ideo Sacerdotes non solum
pro suis, sed pro omnium peccatis rati-
onem reddituri sunt!

D. August. Quid in die iudicij fu-
turum est de Sacerdotibus, à quibus sunt
omnes animæ exquirendæ?

D. Chrysof. Sicut de templo omne
bonum egreditur, sic & de templo omne
malum procedit; cum videris populum in-
disciplinatum, cognosce, quia in Sacerdo-
tibus culpa est.

*Hieremias & Ezechiel aiunt vastatio-
nem illam horrendam Hierusalem factam
à Chaldæis processisse ob peccata Sacerdo-
tum.*

Feria V:

Summopere tenentur Sacerdotes dare
de se populo exempla virtutum.

Consideratio. 19.

Sanctæ Inditæ aurea verba, Vos estis
Præsbyteri in populo Dei, & ex vo-
bis pendet anima eorum, ad eloqui-
um vestrum corda eorum erigite.

D. Paulus ait Tito. In omnibuste i-
psum præbe exemplum bonorum ope-
rum, in doctrina, in integritate, in gra-
vitate.

Et alibi. Sic nos existimet homo, ut mi-
nistros Christi, & dispensatores myste-
riorum Dei.

Conciliū Trident, Nihil est, quod ali-
os, magis ad pietatem, & Dei cultum as-
siduè instruat, quam eorum vita, &
exemplum, qui se divino ministerio de-
dicarunt: in eos, tanquam in speculum,
reliqui oculos conieciunt, & ex eis su-
munt quod imitentur; quapropter sic de-
cet Clericos in Domini sortem vocatos,
vitam, moresq; suos componere, ut
habi.

habitu, gestu, incessu, sermone nihil, nisi si grave, moderatum, ac religione plenum præferant.

Feria VI.

Scientia quam necessaria in Sacerdote.

Consideratio. 20.

Oseas. Quia tu scientiam repulisti, repellam te, ne Sacerdotio fungaris mihi, *Grandis comminatio!*

Malachias. Labia Sacerdotis custodiunt scientiam & legem requirent de ore ejus.

Jussit Deus Sacerdotibus, ne biberent vinum. Ut haberent scientiam discernendi inter sanctum, & profanum.

D. Io. Chryso. Ad Sacerdotem pertinet, non solum scire legem, sed ad interrogata respondere de lege.

Idem Quid est Sacerdotale cor, nisi Arca testamenti, in qua spirituales doctrina viget, tabulæ legis jacent. Et tamen hodie, quanta ignorantia viget in Clero, quæ non esset, si Episcopus iniciandos publice docere juberet doctrinam Concilii, & Catechismi: nec ullos admittere

ret ad examen, nisi prius per octo dies spiritalibus exercitijs se munierint, & publicè doctrinam Christianam exerceverint;

S. Furseo Episc. raptò ad videnda aeterna supplicia, dixit Angelus. Orbem ferè totū superiorū cujusq; ordinis negligentia interire. *Sabbatho.*

Impuritas, quam enorme scelus in Sacerdote.

Consideratio 21.

HOMO, qui accesserit ad ea, quæ sanctificata sunt, in quo est immunditia peribit coram Domino. *Levit 22*

Oza cecidit mortuus ante Arcam, quia, secundum aliquos Doct. fuerat cum uxore nocte antecedente.

Filios Heli tam horrendè punivit Deus, quia parum casti essent in illis sacrificiis quæ erant mera umbra sacrificii nostri. S. Teresa vidit duos Demones suffocantes Sacerdotem ad Altare, quia erat pollutus; & nisi ipsa orasset, mortuus ad Altare cecidisset.

D. Paulus. Nescitis quia tempium Dei estis

estis, si quis autem templum Dei violaverit, disperdet illum Deus. Si Laicus est templum Dei, quanto magis Sacerdotes.

Alibi. Nescitis quia corpora vestra membra sunt Christi, tollens ergo membra Christi faciam membra meretricis? Absit, Christus, qui à Virgine nasci voluit, & in caelis stat semper, septus choris Virginitatum, qui sequuntur Agnum, quomodo patietur se tractari manibus immundis, & sumi ore illò polluto, quod paulò ante basia meretrici impressit. Sic ait Hieronymus.

HEBDOMADA QUARTA.

Die Dominico.

Sequitur idem Argumentum.

Consideratio. 22.

D. Hieron. super verba Ezech. Sacerdotes ejus polluerunt Sanctum, ait. Corpus Christi polluet, qui immundus accedet ad Altare.

D. Joan Chrysof. Illi qui non mundam animam corpus Christi accipiunt, idem supplicium perferunt cum illis, qui eum clavis cruci affixerunt.

D, Paul. Heb. Irritum quis faciens præceptum Moyſi, abſq; ulla miſeratione duobus vel tribus teſtibus moritur; quare; tò magis putatis deteriora mereri ſupplicia, qui Filium Dei conculcaverit, & ſpirituſui gratiæ contumeliam fecerit.

Pœnitentiæ graviffimas ſacri Canones & concilia pro fornicatione impoſuerunt, inter quos Gratianus diſtin. 83. refert hunc Canonem.

Præſbyter, ſi fornicationem fecerit, decem annis pœniteat in hunc modum: tribus menſibus ſolo pane, & aqua humi ſemper proſtratus in ſacco veniam imploret; poſteà unum annum cum dimidio in pane, & aqua expleat, exceptis Dominicis & Feſtis; deinde uſq; ad ſeptimum annum tres dies hebdomadæ in pane, & aqua jejunet; à ſeptimo anno uſque ad decimum in pane & aqua, ſextâ Feriâ jejunet. Hoc certum eſt; quod à Canonibus ſacris Clerici ob ſimplicem fornicationem perpetuò irregulares declarantur.

Sequitur idem Argumentum.

Consideratio 23;

V. P. Magister Avila narrat de quodam Sacerdote impuro, cujus manus ad Altare exultæ remanserunt: Alius dum sumeret Corpus Christi crepuit.

D. Paulus scribit multos in primitiva Ecclesia, ob indignè sumptam Eucharistiam morte improvisa, vel longa infirmitate perijsse. Ideò inter vos multi infirmi, & imbecilles, & dormiunt multi.

D. Ioan Chrysof. narrat suis temporibus multas publicas infirmitates accidisse, ob indignè sumptum Sanctissimum Sacramentum. Ideò Fratres ait D. Cypri. unusquisque consideret, non quod alius passus sit, sed quid ipse pati mereatur. nec evasisse se credat, si interim pœnam distulerit, cum timere plus debeat, quem sibi Dei Iudiciis censura reservavit.

O quàm horrendum est incidere in manus Dei viventis, qui ait, mihi vindicta, & ego retribuam. Pleni sunt Ang

nales terribilium casuum quos ob brevitatem non refero. Ideo Sacerdotes qui accedunt ad Dominum sanctificentur nè percutiat eos Dominus.

D. Dion Cart. ait: Angelum revelasse Servo Dei, ferè nullos in Purgatorio Sacerdotes inveniri eò, quia, qui sanctè vivunt, illico calum intrant, vel parum in ignè morantur; cæteri, qui impurè vivunt, damnantur. non permittens Deus ob gravem injuriam illatam Ordini, & Sacramento, ut verè pœniteant: cui concordant. D. Iò. Chrysostomi verba. Non temerè dico, sed ut affectus sum, ac sentio: non arbitror inter Sacerdotes multos esse qui salvi fiant, sed multò plures qui pereant, in causa est, quia res excelsum requirit animù, & innumeris oculis illis opus est undique.

Feria III.

Summa debetur cura in castitate servanda, exemplo Sacerdotum Gentilium.

Consideratio 24.

A *Thenienses Sacerdotes vivebant in spē. luncis ne ut ait Plut contagione aliqua*

liqua, eorum castitas labefactaretur.

Sacerdotes Ægyptij carnibus, vino & omni obsonio abstinebant, longè à mulieribus, & propinqui s semper in Templo; panem, & oleum rarò, lac & ova edebant nunquam. Cubile de foliis palmarum, bidui, triduiq; inediã sustinentes, ut humores corporis nimia, victus castigatione sicarent.

Hæc D. Hieron. & hi non erant Monachi Thebaidis, sed Gentiles! quid fiet de nobis in Iudicio comparatis cum Sacerdotibus Dæmonis?

D. Chrysoft: Sacerdotem Christi sic necesse est esse purum, ac si in cælis ipsis collocatus, inter cælestes illas virtutes medius staret.

Idem: Quo igitur non oportet esse puriorem tali fruente sacrificio? quo solaris radio non splendidiorem manum, Carnem Christi dividentem, os, quod igne Spirituali repletur; linguam, quæ tremendo nimis sanguine rubescit.

D. August. O Sacerdotes, si anima
 C7 cujus

cujuslibet iusti sedes est Dei: multò magis sedes & templum vos esse debetis mundum, & immaculatum, Carnes ergo vestras timore ejus configite.

Feria IV.

Sacerdotes tenentur vacare à curis secularibus, ut orationi, studio, verbo Dei, Sacramentis, & piis operibus dent operam.

Consideratio 25.

IN Canone quodam Apostolorum legitur ita: Episcopus, aut Sacerdotes, aut Diaconus nequaquam sæculi curas assumant, sin aliter, deiciantur. & in alio Canone. Non oportet Episcopum, aut Præsbyterum aut Diaconum publicis se administrationibus immittere, sed vacare, & commodum se præbere usibus Ecclesiasticis. In animum ergo inducant hoc facere, aut deponantur; nemo enim potest duobus Dominis servire.
Concil. Carthag. Episcopus, vel Sacerdos tuitionem testamentorum non suscipiat;
 &

& nullam ad se rei familiaris curam re-
vocet: sed lectioni, & orationi, & ver-
bo prædicationis tantummodo vacet.

Clemens PP. Sacerdotem oportet irre-
prehensibiliter vivere, & summo studio
niti, ut omnes vitæ hujus occupationes
abijciat, nè fidejussor existat, ne advo-
catus litium fiat, neq; in ulla aliqua oc-
cupatione prorsus inventatur mundialis
officii occasione perplexus, ne præfoca-
tus præsentibus hominum curis non pos-
sit verbo Dei vacare.

*Et quia multi dicunt hos Canones in
desuetudinem abiisse, audiamus quid
Concilium Trid.: dicat.* Statuit Sancta Sy-
nodus, ut quæ aliàs à Summis Pontifi-
cibus, & sacris Conciliis de Clericorum
vita, honestate, cultu, doctrina retinen-
da; ac simul de luxu, comestationibus,
choreis, aleis, lusibus, aliisque crimin-
ibus, necnon secularibus negotiis fugi-
endis, copiosè, ac salubriter sancita sunt;
eadem in posterum iisdem pænis, vel ma-
joribus arbitrio Ordinarii imponendis ob-
servan;

servantur. Si quæ verò ex his in deservitudinem abiisse Episcopi compererint, ea quamprimum in usum revocari, & ab omnibus accuratè custodiri studeant.

Feria V.

Sacerdotes tenentur ad paupertatem.

Consideratio 26.

D. *Bern:* Quidquid præter necessarium victum, & vestitum, de Alta r. retines, tuum non est, rapina est, sacrilegium est. *Nam Paul. ait.* habentes alimenta & quibus tegamur his contenti simus; dixit: quibus tegamur, non quibus luxuriemur; non quibus superbiam 9.

Concil. Carth. Episcopi modesta suppellectili, & mensa, & frugali victu contenti sint, & hoc ad Sanctæ Romanæ Ecclesiæ Cardinales pertinere decernit.

D. Bern: Væ tibi Clerice, qui peccata populi comedis, bonum erat tibi magis lordere, vel mendicare. Venient Clerici ante Tribunal Christi, audieturque populorum querela gravis, accusatio dura eorum, quorum Clerici vi-

xere stipendiis. Quid tibi insipiens divitiarum sapiunt, quibus mercaris tam grave iudicium.

Idem: De altari, cui servit Clericus non loculos congregat, nec vanitate, vel superfluitate dispergat, nec extollat de facultatibus Ecclesie consanguineos suos.

Idem: Ea o Sacerdos, noveris in Iudicio tibi imputanda, quae inter delicias, comedis & parvipendis.

D. Hier. Clericum ex inopi divitem, ex ignobili nobilem, tanquam pestem fuge.

D. Paul. Radix omnium malorum cupiditas, quam quidam appetentes, erraverunt a fide.

D. August. Pauperem vitam Sacerdos gerere, quod super est praeter victum, & vestitum, pauperibus dare non differat, quia omnia quae habet pauperum sunt.

S. Thomas de Villa nova sic ait. Fratres, si hora mortis meae Christus me invenerit habentem unum tantum Julium in crumena, animam meam certe damnatam.

tam credite; nec me sepeliatis in loco sacro.

Idem Sanctus agebat. Cum audio Clericum aliquem beneficiatum in morte, apud se habuisse nummos; sic dolore afficior, ac si mihi diceretur illum fuisse mortuum juxta concubinam; quia pari modo damnatum credo Clericum, qui de bonis Ecclesiæ thesaurizat, quam qui vivit in concubinato. *O verba tremenda-*

Idem. Dominus in die judicii quaeret rationem de bonis Ecclesiæ, sicut de re furto sublata, si malè expendantur.

Feria VI.

beneficiati ad quid teneantur.

Consideratio 27.

D. *Thomas Aquin.* Bonorum Ecclesiasticorum Clerici non sunt verè Domini, sed dispensatores.

D. Hieron. Quidquid habent Clerici pauperum est: & maximè curandum est illis, ut de decimis, & oblationibus, cœnobiis, & Xenodochiis, qualem poterint sustentationem impendant.

D. Ambr. de se agebat. Omnia, quæ
habeo

habeo, pauperum sunt.

D. Hieron. Iuxta Sanctorum Patrum traditionem novimus: res Ecclesie vota fidelium esse, pretia peccatorum, patrimonialia pauperum.

Hunc tremendum Canonem refert Gratianus. Si res Ecclesiasticas Episcopus in suas proprias voluptates usurpare voluerit, aut propinquis dederit, hunc oportet reum esse Concilio.

Verba Concil. Trid. Omnino Sancta Synodus interdicit, ne Episcopi, & Præbentati ex redditibus Ecclesiasticis contangineos, familiaresque suos augere studeant.

Et Gratianus verbis Urbani. PP. concludit. Si quis autem secus egerit, videat, ne damnationem Ananiae, & Saphiræ percipiat, & reus sacrilegij efficiatur, sicut qui fraudaverunt prædia pauperum.

D. Hieron. Clerici, qui de bonis pauperum sustentari possunt, si quid pauperum percipiunt, sacrilegium committunt.

Pluit;

Philippus Cancellarius Parisiensis post mortem apparuit Episcopo dicens, si se esse damnatum, ob defensam pluralitatem beneficiorum.

Alius Præbyter apparuit damnatus, eo quod noluit relinquere alia beneficia uno retento, post damnationem Parisiis eorum pluralitatem. Hac Doct. Simus Cantuar: Sabbatho.

Ambitio dignitatum, ruina Ecclesiarum clericorum.

Consideratio 28.

D. *Ioan. Chrysost.* Dum miror si potest salvari aliquis Rectorum, video tamen aliquos etiam concurrere, & precipitare semetipsos in tantam molem & difficultatem regiminis.

D. Greg. Nazianz. Nemo sapiens læto animo creatur Episcopus, si quis pericula, & supplicia ei proposita considerat atq; adeo stultus, videri potest, qui cum viam complanatam, & expeditam ingredi possit, spontè se in locum angustum, periculosumque redegerit.

D. Ioan

Chrysoſt. Episcoparus, Oceanus curarum,
abyſſus laborum, & dolorum.

D. Cyprian: Sicut peremptoria eſt
altitudo quaerita, ſic periculoſiſſima eſt o-
blata.

D. Bernar. de malis Prælatiſ ait. Vos,
dam luxuriando peritis, pauperes ſpo-
liando perimitis.

A N T E S A C R U M
O B S E R V A T I O. I.

Proteſtaberis diligentiam & diffidentiam
diſpoſitionis ad ſacrum. Petes eandem à
Deo.

O Beatiffima Trinitas DEUS meus! e-
go quidem quantum ex gratia Tuâ
poſſum, volo & conor me diſponere tam
ſequentibus quam totius Vitæ meæ actioni-
bus, & paſſionibus ad Sanctiſſimū Filij tui
Sacrificiū offrendum, Sacramentumque
ſumendum quam digniſſimè; tamen non
conſido immò diſſido præſus omni meæ
diſpoſitioni; & à Te ſolo diſponi, meæ,
que diſpoſitioni benedici peto, & ſpero,
&

& desidero. Sed & à Te disponi non cupio propter ullum bonum meum, quatenus meum; sed purè propter Dignitatem, Voluntatem, & Voluptatem Tuam majorem. Tu igitur me dispone ad hoc, & ad omne Sacrificium Sacramentumque tam meâ, quàm Tua dispositione, sicut potes, scis, & vis. Disponè me propter Te, dignè Te.

OBSERV: II. *Facies Intentionem communiorem generalem, Concessæ memor Indulgentiæ*

Ego volo celebrare Missam, & Consecrere Corpus & sanguinem Domini nostri JESU Christi, juxta ritum sanctæ Romanæ Ecclesiæ, ad laudem Omnipotentis Dei, totiusque Curiæ triumphantis; ad utilitatem quoque meam, totiusque Curiæ Militantis; pro omnibus qui se commendaverunt orationibus meis in genere & in specie; & pro felici statu sanctæ Romanæ Ecclesiæ, Amen.

Gaudium cum pace, emendationem Vitæ, spatium veræ pœnitentiæ, gratiam
&

&
tia
m

sicc
fru
San
mo
gi

fac
pro

1.
2.

3.
4.
5.

& consolationem S. Spiritus, perseverentiam in bonis operibus tribuat nobis omnipotens & misericors Dominus, Am.

OBSERV: III. *Facies Intentionem, particularem, privatam pro libito aut debitos fructumq; Sacrificii distribues in Deum, Sanctos, Ecclesiam, in te ipsum, in vivos, mortuos, memor indulgentia & privilegii liberationis Anima.*

OBSERV: IV. *Memento utrumque facies, Negotiorum quoque & necessitatum, pro quibus orare debes, soles, vis.*

OBSERV: V. *Institues Conscientia examen, super hæc potissimum.*

1. An heri notabilius quid deliqueris?
2. An heri exactè feceris præparationem; ipsum Sacrum; Igratias post Sacrum.
3. An vesperi Examen, & an utrumque, & quomodo feceris?
4. An omnes vespertinas internas externasque Consuetudines perfeceris & quomodo?
5. An mortificationes. Internas exter-
nas

- nasque; censorij examinis & extre-
 mae unctiois: Indulgentiæ quoque
 plenariæ & praxeos mortis feceris;
6. An obdormieris Inter orandum mo-
 re solito?
 7. An actus mediæ noctis feceris &
 quomodo?
 8. An prævenieris tempus surgendi, vel
 saltem in puncto pulsus surrexeris
 & actus solitos feceris?
 9. An sedulò præparatus mentaliter ad
 normam conscientia meditatatus sis?
 10. An fructuosè cum observationibus
 & reflexione & ruminacione medi-
 tatus sis?
 11. An nunc commodè tempestivèque
 Sacrum pares?
 12. An sentias & excites famem amo-
 rosam Sacri, & Sacramenti & unio-
 nis cum Christo?
 13. An feratis immenso desiderio exal-
 tandi DEUM sacrificio.
 14. An aliquas & quomodo, Ca-
 nonicas jam dixeris horas?

55. An hodie jam crassius quid deli-
queris, neglexeris &c.

19. An Intentiones diei feceris?

*Discussione facta. qua culpabilia inve-
neris: confiteberis SS. Trinitati (& pro
tempore Sacerdoti): omnia tanquam Sacra-
mentaliter, & addes.*

O Beatissima Trinitas DEUS meus, con-
fiteor Tibi & B. M A R I Æ semper
Virgini; B. Michàeli, & omnibus San-
ctis, quia peccavi nimis cogitatione, ver-
bo & opere, & omissione. *Quia* adhuc
carnalis sum & mundanus. *Quia* plenus
concupiscentiarum motibus. *Incustoditus*
in externis sensibus. *Sapè* multis vanis
phantasiis implicatus. *Multum* inordina-
tus ad exteriora. *Negligens* ad interiora.
Levis ad risum & dissolutionem. *Prom-
ptus* & incircumspectus in loquendo *Dur-*
us ad fletum & compunctionem *Rarus*
& tardus ad recollectionem. *Segnis* ad or-
randum. & frigidus in meditando. *Velox*
ad laxiora & carnis commoda, *Segnis* ad
vigorem & fervorem. *Curiosus* ad nova

audienda & pulchra intuenta. *Remissus*
 ad humilia & abiecta amplectenda, *Cu-*
pidus ad multa habenda. *Parcus* ad dan-
 dum. *Tenax* ad retinendum. *Puſillanimis*
 infirmus in me ipſo vincendo & abne-
 gando. *Stultus* & vanus in me ipſo oſten-
 tando, & videri æſtimarique ab aliis vo-
 lendo. *Incontinens* in tacendo. *Incompoſi-*
tus in moribus. *Importunus* & inordinatus in
 auribus & agendi temporibus. *Effuſus* ſu-
 per cibum. *Impotens* in paſſionibus. *Sur-*
duſ ad DEI Verbum. *Velox* ad quietem
Tardus ad laborem. *Vigilans* ad fabulas
Somnolentus ad vigilias Sacras. *Felicitus* ad
 finem. *Vagus* ad attendendum. *Negligens*
 & diſtractus in horis Canoniciſperſolvendis
Tepidus in celebrando. *Aridus* in Com-
 municando. *Citò* diſtractus & effuſus
Rarò plene recollectus. *Vix unquam* præ-
 ſentia Tui memor. *Facilis* ad iram &
 aliorum cenſuram atq; diſplicitiam. *Pro-*
nuſ ad iudicandum. *Rigidus* ad arguen-
 dum. *Incautus* ad ſcandalum tam acti-
 vum quàm paſſivum. *Debilis* in adver-
 ſis

lis. Multa proponens bona, pauca ad effectum perducens. Vix in aliquo bene cæpto perseverans. Gratia tuæ motibus inobediens. Beneficijs tuis ingratus. Voluntatem Tuam bonâ beneplacentē, & perfectâ sciens, sed non faciens. In mala sæpè recidens. Mea culpa &c. Indulgentiam &c.

Facta Confessione coram DEO, elicies actum Contritionis, satisfacies panis internis externisq; juxta solitum.

OBSERV: VI. Institues Meditationem vel saltem praxim ejus leges ex Hebdomadis Liturgicæ, die quæ acciderit: simul affectus tam Sacri totius, quàm consecrationis, elevationis & communionis providebis

OBSERV: VII. Apprehendes vivacissimè Sacri & Communionis, hoc est Divinissimi operis Dignitatem, Majestatem, Naturam, exigentiam. Tuam contra, quæ illud peracturus es; Indignitatem Mendacitatem, Inhabilitatem,

O Domine Te Tibi sacrificaturus sum; pro quàm Divinum opus! quàm sublime! quàm excelsum! quàm Seraphicis

cis humeris formidandum! Quis Dignitatem, quis Majestatem, quis naturam ejus operis capiat? pro! quantam præparationem? quantam dispositionem? quantam capacitatem? quam Seraphicâ? quàm Marianam, quam Theandricam, Sanctitatem? In me autem, quid proportionis, quid dispositionis est præter solam indiguitatem, inhabilitatem, insufficientiam, mendicitatem, omni captu & sensu meo majorem? & tamen sacrificandum est!

OBSERV: VIII *Excitabis inte summe meam famem exaltandi DEUM summe Quod nequit fieri aliter, quàm Sacrificio isto dignissimo.*

O Fames! fames, fames! Esurio Domine, esurio! & famelicissimè cupio, sitioque summâ fame ac siti, Te DEUM exaltare summè & supersummè, id est, Sacratissimi hujus Sacrificij honore.

OBSERV. IX *Excitabis etiam in te famem Christi Domini, unioni que tui cum ipso: qua etiam melius non fit, quam in hoc Sacramento.*

ODulcis JESU; dulcis & solus unuq;
 cibus Animarum? Ecce famescit, ec-
 ce non solum pasci, non solum citari
 sed etiam saginari concupiscit de Te ani-
 ma mea Veni ergò mi JESU, & uni Te
 mihi; Uni te mihi æternaliter per hoc sa-
 cratissimum Sacrificium cum hoc & per
 hoc excellentissimum Sacramentum.

*OBSERV: X. Excitabis in te famem
 saginandi Animam tuam, omnibus bo-
 nis Christi; imprimis ipsomet Christo, pro-
 pter Christum.*

Vides mi JESU, vides Dulcissime Rex
 & Domine, & DEUS, vides extre-
 mam paupertatem, mendicitatem, rudi-
 tatem meam, Abyssalis & inexpleta vo-
 rago sum. Tu contra abyssalis opulencia
 & plenitudo, & redundantia es: influe
 ergò in me & reple me & sagina me im-
 mensitate bonorum Tuorum. Ecce mi
 JESU patet, ecce hiat, ecce famelicissi-
 ma esurit atque sitit te, totâ se, anima
 mea: ergò illam exsatiâ, ergò ilam insa-
 gina bonis tuis, donis tuis, divitiis tuis,

quæ non sunt aliæ, præter ipsum, unum
& solum Te. Veni ergò, veni in me, ve-
ni ad me, veni totus, veni non mihi,
sed Tibi, veni salutem meam, sed gloriam, sed
voluntati Tuæ.

OBSERV: XI. *Propones explere gu-
stum Dei hoc Sacrificio tam ex opere ope-
rato quàm opere operantis, non tantùm in
Christi, sed etiam in tuâ personâ.*

VOlo, desidero, propono, Tuum ô
DEUS explere gustum hoc præsentis
Sacrificio tam ex opere operato, quàm
operantis, tam in Christi, quàm in meâ
personâ propter Te.

OBSERV: XII. *Propones juvare o-
mnem Ecclesiam Militantis partem nec non
Animas in purgatorio: tum etiam omnes
necessitates tuas, Mundi que totius, juxta
mentem DEI, per Sacrum tam præsens,
quam omne aliud sequens, non modò tu-
um sed etiam alienum, quantum ex te.*

Propono juvare apud Te Domine o-
mnem Ecclesiæ Partem etiam in pur-
gatorio patientem, propono juvare o-

mnem

omnes necessitates meas, totiusque mundi, juxta mentem Tuā, per hoc Sacrum tam præsens, quàm omne aliud sequens, tam per alienum, quantum ex me propter Te.

OBSERV: XIII. Propone præsentis devotione & fervore evincere omnem præteritam devotionem. Imò actualiter excitabis in te omni Mentis Voluntatisque conatu majorem, quàm unquam, millies infinitum ac immensum devotionis fervorem, quo evincas omnem tuum alienumque fervorem, obtineasque dispositionem cordis. Nunc tempus est mi JESU inflammare me igne Charitatis Tux, quia frigidus, quia tepidus sum nimis.

CUpio & propono Domine præsentis fervore, quo ad hoc Sacrum accedo, evincere omnem præteritam devotionem & dispositionem meam & alienam. Ideò toto totius mei conatu, toto omnium Electorum, & P. Parentis & Tuo Theandrico fervore, ferri & disponi ardesco, tam ad hoc, quàm ad omne Sacrum, ejusque fructus obtinendos augen-

dos que porpter Te.

OBSERV: VI *Assumes induesque tibi omnia merita, gratias; Virtutesque Christi, P. Parentis, omniumque Sanctorum, Electorumque. Assumes item omnes omnis creature etiam damnate, potissimum autem Sanctorum Ariyrum passiones atque actiones. dignificando eas in Christo ad supplementum omnis nuditatis, paupertatis, ariditatis & tepiditatis tuæ coram DEO. Disces ergo cum omni reverentiâ & ardore:*

Nunc tempus est Domine JESU, nunc est tempus ornare me gratijs, meritis virtutibusque Tuis, & Matris Tuæ, & Electorum Tuorum &c quia pauper & nudus & miser & miserabilis sum nimis, sine Te, coram Te Vilis & abjectus nimis.

OBSERV: XV. *Dilatabis & distabis Animam tuam, desiderijs intentionibus, propositis que quàm plurimis & vastissimis, ut tantò fiat capacior, ad ampliora à Christo cum ipse Christo capienda.*

Dulcissime, Amabilissime JESU toto
me

me & Te, volo qualibet quidem actione
& Passione mea, sed speciatim hoc sacrifi-
cicio & Communione præsentis, cui nunc
intendo, & me devoveo, reddere, Patri
æterno gloriam, reverentiam, gratiarum
actionem, satisfactionem, gustum, dele-
ctationem, & dilectionem infinitam.

Volo eidem reddere, par pretium,
præmiumque pro omni bono, & gratia
ejus mihi & omni creaturæ, omnibus
electis ac nominatim: Tuæ Theandricæ
Humanitati, ejusque P. Parenti, nomi-
tim etiam pro omni Sacramento sumpto,
sacrificioque factò, fructibusque colla-
tis conferendisque in æternum.

Volo facere memoriam & repræsen-
tationem tuæ Mortis & passionis.

Volo Te facere mihi, & Ecclesiæ Tuæ
præsentem ut sponsum.

Volo Te recipere in fontem, pignus
& arrham, gratiæ, meriti, dulcedinis &
felicitatis, gloriæq; æternæ.

Volo Te sacrificare & sumere ad ma-
jorem Nominis Tui honorem & glo-
riam

nam; ad omnimodum cordis Tui gaudium & metibi uniendum, Tibique tradendum per Te propter Te.

Volo Te mi JESU immolare, & sumere ad hoc, ut per præsentiam & unionem Sanctissimi Sacrificij, Sacramenti que Tui, liberer ab omnibus malis Corporis & animæ, quibus premor, & quæ mihi pro peccatis meis debitè ingruunt juxta voluntatem Tuam.

Volo mi JESU Te Sacrificare & manducare, ut de liberalissimâ manu Tuâ accipiam donum puri Cordis, casti Corporis, Orationis, & Contemplationis, Humilitatis, Mansuetudinis, Patientiæ, Modestix, Paupertatis, Obedientiæ, Resignatis, Donorum & fructuum Spiritus Sancti, Fidei, Spei, Charitatis, pietatis, Religionis, Prudentiæ, Justitiæ Fortitudinis, Temperantiæ, Spiritûs Societatis, Professionis meæ.

Volo mi JESU sacrificare, & manducare Te, ut Ecclesiæ, Societati, Regno, Civitati, loco Isti, omnibusque alijs, quibus

bus

bus Tu scis, & vis, Tuam singularem
 protectionem impetrem. Ut juvem pro-
 ximos meos, tam vivos, quam Defun-
 ctos, præsertim, qui mihi commédati sunt,
 vel esse debent, quique sunt Tui in me,
 mei in Te, prout Tu scis & vis. Ut con-
 sequar indulgentias ex Thesauro Eccle-
 siæ concessas Religioni, & alias quasli-
 bet, quarum capax sum.

Volo mi JESU immolare & sumere
 Te, ut spiritum in me languentem, & te-
 pentem excitem, & calefaciam, ut exli-
 gua valdè merita mea, dona scilicet tua
 cumulem; infirmam virtutem meam con-
 firmem, ut transformertotus in Te. Tu
 que maneas & vivas in me, & ego sim
 alter Tu, Ut Spiritum Tuum, præsertim
 Charitatis, Humilitatis, Obedientiæ, so-
 cietatisq; Tuæ imbibam.

Volo mi JESU immolate & sumere
 Te, ut pro inimicis, æmulis, ingratis me-
 is, tam communibus, quam privatis; item
 que pro Amicis, & benefactoribus me-
 is communibus & privatis: itèmq; pro

Patribus [filijs] que meis in spiritu, & Amicis meis in Te: itemque pro ijs quibus quocunque modo vel nocui vel debitor sum, aliquid maximè dignum, gratumque tibi offeram, & gratiam tuam copiosam efficacemque illis à Te impetrem.

Volo mi JESU immolare & sumere Te, ut officiorum, propositorum, negotiorum, necessitatum, votorum meorum, felicem successum à Te obtineam.

Volo mi JESU immolare & sumere Te, ut finalem in bono perseverantiam, perpetuamque, patiendi pro Te Voluntatem & famem, materiam quoque & me contemnendi copiosam & gratam segetem, zeli etiam pro Tua gloria Animarumque salute promovenda, inexplebilem sitim, gratiã crescentem semper fervoris in vita & morte, denique Sanctam & tibi placitam, & ab omni obligatione, culpæ & pœnæ immunem, Sanctorum in Societate JESU mortem, ab æternâ Charitate Tuâ, virtute sacrificij & Sa-
cramen

cramenti istius, postulem atq; ei impetrem
propter Tuum, nec non Sanctissimæ Tri-
nitatis gustum æternalem, Amen.

OBSERV: XVI. *Facies & disciplinas spi-
rituales sive Actus Animam conterentes.*

Dignissime, eminentissime, superaltis-
sime DEUS, Tibi, uni, soli, semper
omnis exaltatio, omnis gloria in æter-
num & ultra, à me & omni creaturâ,
Omnibus autem creaturis tuis Tua bo-
nitas, Dilectio, Beneficentia, Protectio,
Gratia & Beatitudo.

Mihi verò uni, soli, semper omnis Ab-
jectio, Derelictio, Detestatio, Reproba-
tio, Damnatio, Infernus quia Tibi DEO
meo Maximo, Dignissimo, Optimo,
peccavi soli nimis in vta mea.

Propter quod omni gratiâ, amore &
veniâ sum indignissimus: omni autem
odio, detestatione, irâ, furore, derelictio-
ne, damnatione, sum dignissimus. Ideo
etiam infernus domus mea, est, infernus
possessor meus, inferni possessor sum,
inferni hæres & Inhabitor sum unus,
solus, semper.

Quamvis aurem ego multa nimis cō
misi unde m e justissimè damnare potes
& debes; quia tamen Tu non amīstī,
unde salvare misericordissimè soles, id
circo de profundis clamo ad; Te: Misere
re mei DEUS secundum magnam mise
ricordiam Tuam, & secundum multitu
dinem miserationum Tuarum, dele ini
quitate meam, quam ego confiteor
coram Te: omnia scilicet & singula pec
cata mea, cordis, oris, operis, commis
sionis omissiois, aliena, detractiones,
scandala, mendacia, detestationes, deli
cta juventutis & ignorantias, inconstanti
as & repiditates.

Pro quibus omnibus toto me doleo
propter Bonitatem, Dignitatem, Chari
tatem Tuam, propter vilitatem, malitiam
& ingratitude meam. Et trado me to
tum voluntati justitiæ & miserationis Tuz
Fac me cū voluntatē, justitiā & miseratio
nē Tuam sicut potes, & vis. Et utere me
ad humiliandum me, ad exaltandum Te val
dè; Sicut uteris Te ad humiliandum Te,
& exaltandum me valde.

Faci

Facies praterèa & hæſce.

1. Agnoſco & cofiteor omnia peccata mea coram Te DEO meo, & Sanctis & creaturis omnibus.
2. Confundor & erubeſco Domine coram Te: ut prodigus, ut Magdalena, ut Petrus.
3. Accuſo & exaggero ſcelera mea ex infinita Maieſtate Tuâ & vilitate meâ. Quis enim es Tu Domine? & quis ego ſum?
4. Exprobroy & impropere mihi malitiam & ingratitudeſ meam in Te DEUM meum.
5. Non eſt quid reſpondeâ Tibi Domino exprobranti: hæc ego tibi, & tu hæc mihi?
6. Peccavi Domine, peccavi Tibi ſoli, uni, infinito: idcirco ipſe me iudico & univerſalem planctum, totâ ſubſtantiâ meâ, omnibusq; viribus meis coram Te facio de peccatis meis.
7. Non eſt Domine non eſt opus, ut Tu condemnes me; ego ſum qui peccavi, ego qui malum coram Te feci, Ego
ipſe

ipse sum, qui me ad omnem inferni pœ-
nam condemno, quam ipse unusexhau-
rire sufficio.

8 Peto quidem Domine: quin & per
gratiam Tuam & Christi Sangvinem spe-
ro veniam, attamen revera illam nulla-
tenus mereor.

9 Humilio me, vilifico, annihilò co-
ram Te infra omnem creaturam, infra
omnes damnatos, infra omne nihilum.

10. Ah! quomodo non timebo Te
Domine, qui terribilis es in consilijs,
super filios hominum; qui respicis pec-
catores & non sunt.

11. DEUS propitius esto mihi pecca-
tori: peccavi enim in cœlum & coram
Te Pater.

12. Deprecor justitiam tuam Domine,
& misericordiam tuam imploro toto me.

13. Merita & dignationes IESU Chri-
sti induo, & allego pro me. Respice igi-
tur Domine infaciem Christi Tui & tu-
per animam meam, pro qua Dominus
noster mori dignatus est.

14. Fiat Domine, fiat voluntas Tua, in me, de me, sicut in celo, ita & in terra.

15. Paratum cor meum DEUS paratum cor meum.

16. Tota plenitudine charitatis, Te DEUM meum exalto, magnifico, amo, omnibusque atomis meis charitatem explodo in Te: omnesque atomos me impleo.

17. Corpore & Anima & personâ, toto me, prosterno me, coram Te Domine, & coram Christo Tuo, & Pretiosissimâ Parente, & Electis omnibus & coram omni creatura propter Te.

18. Gaudeo Domine toto me de omnibus bonis Tuis, cupioque Tibi quàm optimè propter Te per Christum Dominum nostrum.

19. Gratias ago Tibi Domine toto me, pro omnibus & singulis beneficiis Tuis mihi & omni creaturæ, usque ad sanctissimam JESU Christi Humanitatem præstitis & præstandis per omnem æternitatem,

20. Toto me, toto Te, gloria Tibi Sancto, per Christum Dominum nostrum. Sicut erat in principio &c.

21. Sanctissima Trinitas, Pater, Fili, Spiritus Sancte DEUS, unus, solus, verus, semper toto me, totis universi atomis, Te amo, Te adoro, benedico, beatifico, concupisco, clarifico, dignifico, diligo, deifico, Divino, æstimo, exalto, felicito, gratias ago, gaudeo, gratulor, glorifico, honoro, immensifico, laudo, magnifico, mirifico, majestifico, omnifico, potentifico, pulchrifico, prædico, rectifico, regnifico, sanctifico, sublimifico, sapientifico, totalifico, vivifico, volo, zelo, propter Te, ut sis id quod es quia es id quodes, miserere mei, sicut potes, scis, & vis, & utere me ad humiliandum me.

OBEERV: XVII. *Invocabis dilectos ad hanc rem pro tuo gustu S. Patronos ut juvent, ornent te dignè Sacrificio, hoc fere modo, adjuncta mortificatione exter &c.*

Omnes



OMnes Sancti Patroni Sacrificij atque
Sacramenti, adeste mihi in Sacrificijs
& Communionibus meis.

Sancte Michæel SS. Septem Spirituum
Principes. S. Ioannes Bapt. S. Ioseph
S. Petre S. Paule S. Andrea S. Ioan-
nes. S. Ioachim S. Lazare S. Onuphri
S. Benedicte S. Dominice S. Francisce
S. P. Ignati S. Francisce Xaveri S. N
Patrone Menstrue S. Thoma Aquinas
S. Bonaventurâ S. Francisce Borgia S.
Aloyssi S. Stanislæ Kostka. S. Angele
Custos. Sancta Anna. S. Martha S. Ma-
gdalena S. Susanna S. Ioanna S. Barbara
S. Catharina Senensis S. Clara S. Eva
S. Juliana S. Tereffia.

Sancti hodierni, Menstrui, Annuj, Men-
tis, Corporis.

Sancti Patroni & Angeli Studiorum.

SS. Angeli Custodes, Templi, Sacra-
menti, Altaris Domûs.

SS. Templi, Altarium, Missalls.

Sancti quorum Reliquiæ sunt in Tem-
plo, Altari, Domo.

sancti

Sancti Patroni mei & domesticorum.

Sancti Societatis IESU.

Sancti Amatores Increatæ Incarnatæq; Sa-
pientiæ.

Sancti Amatores Crucis.

Sancti Amatores Pretiosissimæ Parentis.

Sancti Angeli Purgatorij. Sancti tres Re-
ges. Sanctæ Virgines. Sancti Cultores San-
ctissimi Sacrificij atque Sacramenti.

OBSERV: XVIII. Petes gratias &
ornatum à SSS. Trinitate.

A Patre aeterno.

AD gustum & Consolationem Sanctis-
simæ Trinitatis, peto à te ô Pater
æterne DEUS: ut des mihi cum eo af-
fectu, cum eaque cælestium donorum
copia nunc & temper Sacratissimum My-
sterium Missæ offerre. Eucharistiamque
conficere. & denique Christum Domi-
num recipere, quo illum Pretiosissimæ Vir-
gini Parenti, & per illam universo hu-
mano generi in Incarnatione dedisti,

A Filio.

AD gustum & consolationem Sanctis-
simæ

simæ Trinitatis, peto à te ô Fili Redemptor mundi DEUS, ut des mihi cum eo affectu Te conficere, offerre, suscipere, quo tu ipse te in ultima cœna confecisti, in ara crucis obtulisti in Incarnatione Pretiosissimæ Parenti tuæ suscipiendū dedisti, atque tam eidem quàm Apostolis tuis te in Eucharistia manducandum tradidisti.

A Spiritu Sancto.

AD gustum & consolationem sanctissimæ Trinitatis, peto à te ô Spiritus Sancte DEUS, ut mihi tam mundum cor atque corpus efficias propter Divinissimum Sacrificium offerendum ac recipiendum, quam mundum, purum, atque dignum effecisti in Virgine Sacratissima MARIA, quando illa Verbum æternum exceptura, atque purissimorum viscerum suorum sanguine humanòque corpore fuerat indutura, ipsumque in Eucharistie Sacramento manducatura.

O IESU summe Sacerdos adsis & benedic mihi in SSmi Sacrificij oblatio-

ne, Sacramentique sumptione. Regina
Sacerdotum adis mihi & omnes Ss. Sa-
cerdotes adeste mihi. & benedicite. San-
ct: N. juva & benedic &c.

OBSERV: XIX. *Impersonabis te totū
verum universitati, omnibus Electis, P. Pa-
renti, Christo, & ipsi SS. Trinitati, sic-
que totalisatus & totus procedes ad Sacri-
ficium & Communionem, totamque omni-
tudinem tuam effundes, in amorem, esti-
mationem, laudem, exaltationem, gratia-
rum actinem, in gultū & voluptatis Di-
vina exsationem.*

Ignitissime, Immenfissime DEUS, omni-
tudinem Tuam, omnitudo mea, omni-
tudine creatā, seraphicā, MARIANA,
Christi. amat, adorat, benedicat, digni-
ficat, exaltat, glorificat, honorat, inten-
dit, ignitissimè intentissimè, intensissimè,
laudat laudabilissimè, magnificat magni-
ficentissimè; reveretur reverentissimè, si-
tit sitibundissimè; saginat saginatissimè,
sapidit lapidissimè, tenet tenacissimè, tra-
dit totalissimè, vult validissimè, voluntari-
tissimè,

issimè, vehementissimè, zelat zelosissimè.
 concupiscit omnem concupiscibilitatem
 Tuam, dat, donat, dedicat, gratias agit,
 gaudet, gratulatur, sese formandam, fin-
 gendamque tradit, sese humil iat, subdie
 vilificat, voluntarijssimè, vilificatissi-
 mè, verissimè.

OBSERV: XX. *Curre ad Sacrificium
 & Communionem, anhela & estuante
 DEiformi Spiritu, sicut festinat cervus
 ad fontem aquarum: oculus ad lucem, in-
 fans ad mamillam sagitta ad scopum, la-
 pis ad centrum, famelicus & sitiens ad ci-
 bum & potum, avarus negotiator ad opes
 & lacrum, ambitiosus ad honorem, vena-
 tor ad prædam, Infirmus ad sanitatem,
 navis secundo vento ad portum, anima ad
 cælum, Beatus ad Deum.*

OBSERV: XXI. *Aeternam Incarna-
 tam Sapientiam adorabis &c.*

Aterna Sapientia DEus Homo, Ho-
 mo DEus, Christe IESu, cum Socij-
 etate Tua, Seraphica universa, amo Te,
 adoro Te, offero me Tibi, confiteor Te,
 & me

& me coram Te, trado in mancipium & servum & amatorem voluntatis & voluptatis Tuz, æstimo & exalto & appetio, & dignifico Te, Seraphicè, Marianè, Theandricè, DEI ficè semel pro semper in æternitatem. Ad saginandum gustum Tuum in me, meum in Te, toto me, propter Te. O Verbum Incarnatum CHRISTE IESV, Sapientia æterna DEUS meus & omnia.

OBSERV: XXII. Conaberis omnia, ante, inter, & post Sacrum maxime ferventi conatu peragere, ut omnis tuus anima Corporisque motus sit heroico Spiritu animatus. Fiat meditatio per actus sequentes:

Ergone Sacrificandum est?

O Abyssum Amoris! Amativitatis, Admirationis; Amabilitatis, Ardoris, Audaciz, Appetentiz, Alimoniz, Amicitiz!

O Abyssum, Bonitatis, Benignitatis, Beneficij, Benedictionis, Beatificationis, Beatitudinis, Boni!

O Abyssum Charitatis, Communica
tionis

tionis, Convivij, Cibationis, Clementiæ,
Contentationis, Conversationis, Capacitatis.

O Abyssum Dignationis, Dèscensusq;
DEI, Dignitatis meæ: Doni, Debiti,
Devotionis, Desiderij, Dulcedinis, Delectationis, Dominij, Deificationis!

Ergò Sacrificandum est?

O Abyssum Exaltationis, Exultationis
Æstimationis, Eviscerationis, Exinanitionis!
Æstuationis, Exauditionis;

O Abyssum Fidei, Fidelitatis, Felicitatis,
Familiaritatis, Famis, Ferculi, Feracitatis,
Fæcunditatis, Fiduciæ, Fervoris
Flammæ!

O Abyssum Gratiæ Gloriæ, Gratitude
Gloriationis, Gaudij, Gratiarum actionis,
Gustationis!

O Abyssum Humilitatis, Humanitatis,
Hospitalitatis, Honoris, Honorationis, Hereditatis,
Hæreditatis!

Ergò Sacrificandum est?

O Abyssum Incarnationis novæ, Incontinentis
Bonitatis, Indulgentiæ Imperij

rij, Jucunditatis, Indivinationis, Innocentia, Iusticia, Immolationis, Iubilationis, Impotentia, Invitationis, Ignitionis, Immurationis!

O Abyssum Laucitæ, Liberalitatis, Lætitia, Laudationis, Libertatis, Licentia;

O Abyssum Mysterij, Miraculi, Miserationis, Majestatis magna, Meriti, Mandati, Mercedis, Mercis, Ministerij, Magnitudinis, Manvetudinis!

O Abyssum Novitatis, Nativitatis, Nutrimenti, Necessitationis, Nobilitationis, Nundinationis, Negotiationis, Negotij, Necessitudinis!

Ergo Sacrificandum est?

O Abyssum Operationis, Obedientia, Orationis, Optrabilitatis, Omnipotentia, Operis, Oblationis!

O Abyssus Pietatis, Potentia, Pignosis, Præsentia, Patientia, Pacti Puritatis, Pacis, Perseverantia, Postulationis, Possessionis Pretij!

O Abyssum Quæstuositatis, Quietis!

O Abyssum Reverentia debita, Ruditatis

ditatis, Rusticitatisque meæ, Ruinæ in
dignorum, Reparationis, Remuneracionis,
que bonorum, Rogationis, Resignationis!

Ergò Sacrificandum est?

O Abyssus Sanctitatis, Sapientiæ, Ser-
vitudinis, Societatis, Sacrificij, Spei, Sub-
limitatis. Sinceritatis, Saturitatis, Sacra-
menti, Salutis, Stipendij!

O Abyssum Tractationis, Totalitatis,
Timoris, Traditionis, Tentationis, Tene-
ritudinis, Tuitionis, Theauri, Theauri-
zationis!

O Abyssum Vitæ, Veritatis, Veracita-
tis, Voluptatis, Verecundiæ, Veneratio-
nis, Valoris, Vlatici, Voluntatis, Vena-
tionis. Unionis!

O Abyssus Zeli gloriæ, Zeli Amo-
ris, Zeli Salutis, & Salutationis!

*In his omnibus licebit tantùm mora-
ri, quantum tempus & devotio
permittet.*

OBSERVATIO I.

INTER SACRUM

Descendes ad Sacrarium, depositis o-
mnibus

D 2

mnibus prorsus curis: imò te ipsum quasi exutus, sciens & cogitans te in hac hora nihil nisi Sacèdotem esse: jam jam ire ad parandam totius mundi causam coram DEO, ad tractandum cum DEO, in conspectu Celi totius. Has ergò cogitabis inter eundem: vel etiam repetes in via actus, ad aeternam Sapientiam, sive famis Christi, sive invocationis Patronorum Sacri.

II. In Sacrario omnia ages cum suis orationibus, attentè, sine precipitatione verborum, manuum abluitionem. &c.

III. Expectansgressum ad Templum (quem semper curabis potius: quam ut expecteris) totus alteraberis in DEUM, in Christum, in famens Sacrificij, Communionis.

IV. Pergens ad altare invocabis. P. Parentem oratione S. Bernardi: Per Te accessum habeamus; si vacabit, adde invocationes SS. Patronorum Sacri, vel Anima Christi. &c.

V. Collocans & aptans Calicem, Corporale

porale, Missale aperiens; continuabis actus
omnitudoinis ex obser: 19. aut illos, Nunc
tempus est Domine IESU, ornare me.
Obser. 14. Tunc Dices: DEUS in adju-
torium: propter Indulgentiam. Vovebise-
tiam hoc Sacrum facere.

VI. In mora ante descensum, & in ipso
descensu ad dicendam Confessionem, petes
à Christo gratiam resolutionis ipsius Christi.

MI JESU per illam generosissimam
Resolutionem Tuam, quâ Te resol-
visti nobiscum esse, à nobis manducari,
in hoc Sacrificio ac Sacramento, peto à
Te, ut mihi meritum generosissimæ hu-
jus resolutionis communices: quô Te
quâm dignissimè immolare, manducare,
alijsque communicare valeam.

VII. Flectens genu ad unum gradum an-
te Confessionis initium: profundissima tui-
ipsum reverentiâ & omni pleno fervore a-
dorabis SSS. Trinitatem & Christi Hu-
manitatem, ad dexteram DEI Patris con-
sidentem. Et similiter toto te in omni ge-
nu flexione facies.

VIII. Confessionem totam dices affectu quo ab Ecclesia pramitti instituta est: Confiteor dices, ac si DEO prasenti coram caelo & terra Sacramentaliter confitereris totam vitam tuam. Item Milereatur & indulgentiam, eodem affectu: oramus te Domine, dum oscularis Altare, Cervicem Domino, tanquam victima rationalissimolanda, pro honore, amore & dignitate & fide DEI sub altari pones. Quomodo ipsum sensum habebis in omni alia Altaris osculatione, dicens: haec vel similia:

En cervicem Domine, pro Fide, Amore, Voluntate, Dignitate Tua. &c.

IX. Kyrie eleyson: totius mundi miseris Misericordiam DEI Patris, Filii, Spiritus S. invocabis.

X. Post Gloria in excelsis; suo affectu dictum, sive post Kyrie eleyson. osculando Altare, petes dicendo: Benedic Pater aeternae vires & opera, Filii Tui, servuli jumentique tui.

XI. Quoties dices: Per Dominum nostrum &c. toties Christum apprehendes velus Advocatum, Lagatum, Pon:

tificens, Patrem, Patronum, Medicum,
Pastorem, Caput &c nostrum, & non
tantum per ejus merita sed etiam per ejus
Personam ipsum orabis.

XII. Dum post Evangelium aut Cre-
do: altare oscularis, dices: **Benedic DE-
US VERBUM, Verba Filij, servulitui.**

XIII. Post Offertorium Calicem disco-
operiens dices: Omnipotentia, Sapientia,
Bonitas, Providentia, Dignitas, Voluntas,
Amor praeveniens. Ecce ego & omnia
opera mea, coram Te, non propter me,
non propter consuetudinem, non propter
alios, sed propter Te, & toto Te, DE-
US meus & omnia, quia haec est Volun-
tas tua & dignitas Voluntatis Tuae.

XIV. Ante vel post oblationem Panis
super patenam vel corporale: pones Cor-
pus, Animam, Personam tuam, Memo-
riam, Voluntatem, Intellectum, omnes tu-
os: & quidquid nominatim commendatum
voles, & DEUS scit ac vult ex Personis
vel negotiis necessitatibusque.

XV. Ante & inter infusionem Vini
dices: Divinitas Christi, Vel. Toto me,

gloria Tibi Patri, & Tibi Filio, & Tibi Spiritui Sancto.

XVI. *Dum ante Orate fratres, ofcularis altare, dices: Benedic Spiritus Sancte confilia & vota & cogitationes discipuli tui, servuli tui.*

XVII.

Post ultimam Secretam ante Per Omnia Saecula, facies in te renovationem fervoris, devotionis, & omnium in preparatione gestorum. Dicens Sursum Corda, Utraque manu mundum complexus totum elevabis e sua face, ad Deum rapies, feres, statues. Ad Grantias agamus, inclinabis reverenter caput, propter Indulgentiam, Praefationem totam & in specie Sanctus dices: nomine, affectu debito, caelestium terrestrium & infernorum. In vivorum Memento, revocabis te ad factum ante Sacrum, spectaliter ac nominatim quadam breviter commendabis.

XVIII. *Ante Consecrationem elicies affectum Consecrationis ex die liturgico qui inciderit. Deinde affectum ex sequentibus septem, pro ratione diei: Quem concludes*

eludes *semper* immolatione Tui ipsius cum
Christo. Per manus ejusdem Christi, &
Pretiosissimæ Parentis & omnium electo-
rum & nominatum hujus diei Sancti.

DIE DOMINICA. Mi IESV illo af-
fectu, quo Te Sanctissima Trinitas sibi
immolari voluit; & quo Tu Te Sanctis-
simæ Trinitati immolasti; hoc eodem af-
fectu ego Te Sanctissimæ Trinitati nunc
immolo & me Tecum per manus Tuz
sanctissimæ Humanitatis, Pretiosissimæ
Parentis, omnium electorum Tuorum,
& nominatum per manus Sancti N.

2. FERIA 2. Mi IESV illo affectu
quo Te Pater æternus, sibi, Tibi, Spiritui
Sancto immolari voluit, & Tu Te im-
molasti; hoc eodem affectu ego Te Pa-
tri æterno, Tibi & Spiritui S. immolo &
me Tecum per manus Tuz sanctissi-
mæ &c.

3. FERIA 3. Mi IESV illo affectu,
quo Te Tibi, Patri, Spiritui Sancto im-
molasti, hoc eodem ego te Tibi, Patri,
& Spiritui Sancto immolo. Immolo &
me &c.

4. FERIA 4. Mi IESV illo affectu,
quo te Spiritus Sanctus sibi, Tibi, Patri
aeterno immolari voluit, & Tu Te im-
molasti; hoc ego eodem Te Spiritui San-
cto & Tibi & Patri aeterno immolo. Im-
molo & me &c.

5. FERIA 5. Mi IESV illo affectu,
quo Tu te Sanctissimæ Trinitati in ult-
ima Cæna immolasti pro nobis: hoc eo-
dem, ego Te nunc eidem immolo. Im-
molo & me &c.

6. FERIA 6. Mi IESV illo affectu,
quo Tu Te Sanctissimæ Trinitati in ara
Crucis immolasti pro nobis: hoc eodem
ego Te nunc eidem immolo & me &c.

7. SABBATHO. Mi IESV illo affe-
ctu, quo Te Sanctissima Trinitas sibi im-
molari voluit: quo Te eidem immola-
sti, quo SS. Parens: quo omnes electi
tui Te immolare voluerunt aut immola-
runt, hoc eodem Te ego eidem Sanctis-
simæ Trinitati nunc immolo. Immolo &
me &c.

XIX. *Exnunc à Consecratione usque ad
sumptio*

*sumptionem genuflectens latrice adorabili
presentem Christum in Sanctissimo Sacra-
mento.*

XX. *Ante Elevationem Hostia genua
latreuticè flectens commendabis instans
tua mortis:*

MI JESU instanti Mortis Tuae & o-
lim in Cruce peractæ, nunc in sa-
crificio representatæ. Instanti quoque
Mortis Matris Tuae, omniumque San-
ctorum Tuorum, & in specie instanti SS.
N. N. instans Mortis mee commendo.
Benedic isti per illa & propter illa.

XXI. *Ad Hostia elevationem elicies
affectum ex aie liturgico prout incidereis.
Item: Adoro Te latens Deitas.*

XXII. *Ante Calicis Consecrationem ra-
tificabis tuum testamentum: Mi JESU te-
stamentum meum pro me. ratum ha-
beo, illudque sanguinis tui pretiosissimi
consecratione confirmo.*

XXIII. *Post consecrationem Calicis an-
te & in elevatione ejus dices.*

1. Pie Pelicane IESU Domine, me im;



mundum, munda tuo sanguine.

2. Mi JEEU fac me, sanguinem meum fundere pro Te, qui Tuum fudisti pro me.

3. Mi JESU accende me Amore Tui Seraphico, Mariano, Tuo, Crucifor-
mi, incessabili.

4. Mi JESU Instanti Mortis Tux & Matris Tux & electorum Tuorum, Instans Mortis meæ commendo:

benedic isti per illa & propter illa, & fac me venire ad Te ut cum SS. Tuis laudem Te in sæcula.

XXV. *Signans Te ac dicens: Omni benedictione; addes: & gratia in tota latitudine & capacitate nostra repleamur, & interim aperies dilatabisque totam substantiam Tuam inhar uniuersi eamque gratis ex DEI manibus & Sacrificio Christi manantibus suppones, ut totus implearis finaliter.*

XXV. In memento mortuorum: re-
voca Te ad solitum: & breuiter ad pro-
xime Mortuos commendatos, hic sepultos,
tuos

tuos & nominatim, pro quibus orare intendis, quos predestinavit DEUS per N. S. juvari, pro quibus orare debes & intendis, pro quibus orares si mortuos scires pro quibus DEUS peculiariter vult & scit orari.

XXVI. Dum facis super Hostia Cruces, inter Calicem & pectus dicens: est Tibi DEO Patri, resera Cor Tuum & omnia interiora Tua Sanctissima Trinitati.

XXVII. Dictis illis verbis: Omnis honor & gloria, addes: omnis ignitissima, Seraphica, Mariana, Christiformis dilectio, gratiarum actio; Saginatio, exaltatio: omnis profundissima (Cœlestium super Cœlos omnes) exaltatio.

XXVIII. Orationis Dominica singulas partes facies peculiari reflexione & affectu: intendens ea omnia impetrare. (Tibi, Tuis, Ecclesie) qua Christus illa oratione complexus est.

Pater noster qui es in Cælis. Affectu, Filialis (Christi) fiducia erga Patrem tam bonum & dignum. Toto Te: toto

me. Sanctificetur Nomen Tuum. Desidera glorificationem DEI plenam & dignitati ejus adæquatam inter & apud creaturas.

Adveniat Regnum Tuum. Dilata paulò amplius manus & cor: quasi amplexurus desiderio Regnum DEI in omni creaturâ nomine ejuldem creaturæ. *Fiat voluntas Tua.* Adora hæc dicens. Voluntatem DEI & tam Corpus quam Animam, cum omnibus utriusque viribus ac potentiis eidem subterne.

Sicut in Cælo & in terrâ. Applicabis hæc variè v. g. Sicut in cælo Cordis Divini & in decretis voluntatis ejus, sic & in te, in omni creaturâ.

Sicut in IESU Christi corde, Humanitate; sic & in te.

Sicut in Pretiosissima Parente Virgine MARIA, ita & in te.

Sicut in Beatis & Electis & in Sancto N. ita & in Te, & omnibus super terram degentibus, in omnibus terrena desiderantibus.

*Panem nostrum quotidianum. [Intellige,
Dignificationis Tuæ, Dignationum Chri-
sti, Sacrificij, Sacramenti, Orationis,
Crucis, lingvarum, gratiarum cœlestium]
da nobis & hodie.*

*Et dimitte nobis debita nostra, Sicut &
nos, Te DEO nostro teste & dante, di-
mittimus debitoribus nostris ex corde de-
bita nostra omnia in æternum.*

*Et ne nos inducas in tentationem, in qua
cadamus & Te offendamus.*

*Sed libera nos à malo. Præsertim spiritua-
li culpæ & pœnæ, quo potes, scis, & vis,
Amen.*

XXIX Dicto: hæc Commixtio, *sub-
des: Mi IESU me & omnes meos, quos
Tu scis, vis, immergo in Sangvine Tuo,
perface me, Tibi in munus æternum.*

*Mi IESU per pretiosissimum Corpus &
Sangvinem Tuum, da mihi gratiam Con-
donum N. N. fructum Spiritus Sancti,
omnis gratiæ, quam scis, & vis, & potes,*

XXX *In secunda oratione ante Com-
munionem. dictis illis Verbis: & fac me
tuis*

tuis inhærere mandatis, & à Te [*sub-*
junges? atque à Tuâ Sanctissimâ Vo-
luntate, eminentissimâ Dignitate, igni-
tissimâ & incessabili Charitate nunquam
seperari permittas.

XXXI *Post tertiam Orationem subdes*
has postulationes.

Domine DEUS meus per Pretiosissi-
mum Corpus & Sangvinem Tuum,
per omnem Cordis tui Bonitatem, &
per omnes Viscerum Tuorum miserationes,
peto à Te, ut des mihi, meis om-
nibus, Charissimo, N. N. Parentibus,
Superioribus, Fratribus carne & spiritu,
Consanguineis meis penitentibus meis
præteritis, præsentibus & futuris, gratias
tuas congruas, frequentes, efficaces, fi-
nales, des N. N. finalem penitentiam,
da benefactoribus nostris N. N. loci hu-
jus, Provincialibus, Generalibus, tem-
poralium sufficientiam, & Spiritualem
abundantiam, da mihi Officiorum & ne-
gotiorum & necessitatum, finalem feli-
cemque successum: da finalem perseve-
rantiam

tantiam in gratia, & mortem Sanctam
 gratiam da Indivinationis, Puritatis, da
 mihi & toti mundo notitiam Tui & sui
 & Orationis, da repressionem spiritus
 inuidani & fornicationis, da mihi [*hac*
dices genuflectens] ut possim fundere san-
 guinem meum pro Te qui Tuum fudi-
 sti pro me, da mihi amorem inimico-
 rum meorum, utere illorum lingvis, ca-
 lamis, iudiciis, centuris, ad humiliandum
 me, ad exaltandum Te, da mihi per pre-
 ces illorum, meritis precibusque Tuis
 conjunctas, commutari in virum Volun-
 tatis Tuæ, da mihi hoc præsentî munere
 defungi, ad puram gloriam Tuam, ad
 puram confusionem meam. Deniq; da
 mihi & inimicis meis, gratias & miseri-
 cordias, quas potes, scis, & vis, da mihi
 augmentum æmulorum & ingratorum
 & inimicorum meorum, da mihi lin-
 gvas & calamos & ingratitude mer-
 cedem meam, da mihi panem meum
 quotidianum, Orationis, Sacrificij, Sa-
 cramenti, linguarum & benedictionum
 Tuarum;

Tuarum &c. Panem Caelestem.

XXXII, Domine non sum dignus, dices uno ex septem affectibus per singulos dies.

1. Affectu refugientis resistentisque humiliter & reverenter, Domino intrare volenti, ut Centurio.
2. Affectu deprecantis ingressum Domini ad te, ut Petrus.
3. Affectu admirantis Dominum ad te intrare volentem, ut Elizabeth.
4. Affectu dissuadentis, & indignitatem facti, Domino dignissimo intrare volenti proponentis, ut Joannes Baptista.
5. Affectu protestantis toti creaturae, quod sis Domini ingressu indignus, quod que tibi vis ab illo fiat.
6. Affectu fatentis quidem indignitatem ingressus Domini, permittentis tamen immò & optantis ingressum.
7. Affectu ostendentis tanto labore opus non esse Domino; ut ad te veniat; ut pote qui unico verbo totum salutis negotium absolvere possit. *Ignescas amore, desiderio, reverentia totus. Post*

Post quam tertio dixeris: & sanabitur Anima mea, subdes: quæ Te, totâ se credit, amat, agnoscit, adorat, benedicit, concupiscit ardescit.

XXXIII. Dicto: Corpus Domini nostri IESU Christi &c. dices: Omnium Sancto rum, omnium Angelorum, omnium Cherubinorum, omnium Seraphim, supremi Seraphim, Societatis æternæ & increatæ Sapientiæ, Pretiosissimæ Parentis Tuæ, mi JESU Sanctissimæ Humanitatis affectu, Te hic præsentem credo, amo, æstimo, adoro, desidero, recipio, toto me, toto Te.

Mi JESU offero Tibi hanc Communionem, pro necessitatibus meis naturalibus, corporalibus, personalibus spiritibus, temporalibus, officialibus, pro Animabus, multum auxilio tuo indigis, da illas mihi frequenter, suaviter, efficaciter, humiliter, juvare omni meliori modo, sicut, potes, scis, & vis. Offero etiam Tibi pro omnibus necessitatibus, quibus tu scis, & vis.

Mi

Mi IESU tota vilitatis; miseræ, mendicitatis, peccaminositatis meæ abyssos, totis abyssis Charitatis meæ, abyssis Charitatis Seraphicæ; Marianæque, Societatis, totis abyssis Charitatis Pretiosissimæ Parentis, & Tuæ Theandricæ, Te credo, amo, æstimo, adoro, desidero, recipio.

Nunc tempus mi IESU, nunc tempus ornare me, meritis & gratijs. & virtutibus Tuis, & Matris Tuæ, & omnium Electorum Tuorum dignè Tè, quia pauper sum, vilis & abjectus nimis.

Nunc tempus est mi IESU, dilatare me latitudine Divinitatis Tuæ, Humanitatis Tuæ, pretiosissimæ Parentis, & omnium Electorum Tuorum, quia angustus sum nimis.

Nunc tempus est mi IESU, inflammare me igne Charitatis Tuæ, Pretiosissimæ Parentis, omniumque electorum Tuorum, quia frigidus, tepidusque sum nimis.

O ignis, qui semper ardes & nunquam exstingueris? &c.

Ex

Excitabis etiam in Te affectum Communionis ex die liturgico qui incidit. ac demum Sanctissimum Sacramentum sumes.

XXXIV. Sumptâ Sanctissimâ Hostiâ sub specie Panis, in singula momenta curabis crescere in affectu fidei &c. pro inde dices assiduo: Credo. amo, adoro, desidero, recipio; repetens iterum iterumque affectu millies mille: magis excrescente. Vel certe alium similem affectum progressivum excessivumque exercebis, per rationem saltem, si non licebit persensum etiam.

XXXV. Genuflectens, repetes quinquies minimum, Laudetur Sanctissimum SACRAMENTUM propter Indulgentiam.

XXXVI. Signans te calice & dicens: Sanguis Domini nostri IESU Christi custodiat Animam meam in vitam æternam, custodiat etiam omnes meos in Te & Tuos in me, & sit super nos omnes sanguis tuus, signaculum vitæ æternæ, Amen.

XXXVII. Post eadem Verba, ante sumptum

*ptum Calicem Testamentum tuum ratif
cabis .*

Mi IESU Testamentum meum ratum habeo; illudque sanguinis Tui sumptione confirmo. Sit mihi mi IESU! sanguis hic Tuus, sacrificiū, sit Sacramentum, sit Testamentum, sit viaticum, sit Professionis meæ, quam item ratam habeo signaculum, sit meæ voluntatis cum Tua voluntate desponsationis æternæ incrementum, sit Indivinationis augmentum, sit ad Tuam Dignitatem curæ implantamentum. Sit Seraphicæ, Marianæ, Tuæ Charitatis, erga Te, erga P. Parentem erga Sanctissimum sacrificium atque Sacramentum erga Crucem, Mortem, & Passionem Tuam augmentum.

XXXVIII. *Sumens actu Sanguinem de Calicè dices corde: Mi IESU portio mea, sanguinis tuus, portio: Tua Sanguis meus, Mi IESU portio mea Dignitas Tua, Portio Tua Dignitas mea, &c.*

XXXIX. *In quiete post Sumptionem Calicis*

*licis facies supplicationem Domino pro li-
beratione à Regimine.*

Mi IESV per Tuam in hoc Sanctis-
simo sacrificio & Sacramento, & in vi-
sceribus Animæ Corporisque mei præ-
sentiam, peto à periculis ejus liberares me,
& in hac ipsâ præsentia dirigas & adju-
ves me quàm efficacissimè sicut potes,
scis, & vis, expedire gloriæ Tuæ, salutis
& perfectioni meæ, proximorumque me-
orum.

*Deinde conduces operarios & mercedem
pacifceris.*

Mi IESV, 1000. Actus Tibi & P.
Parenti offero &c. pro eo, ut in me &
in omnibus meis, quos scis & vis,
opereris gratias, quas potes, scis & vis,
nominatim constantiam & efficaciam dul-
cedinis, fervoris ac luminis: spiritum
quoque Orationis, mortificationis, con-
templationis, Donum quoque gratiarum
actionis pro omnibus beneficijs Tuis: in
specie, pro Beneficio Sacrificij, Sacramen-
ti, Penitentiz, Eucharistiz, Unctioni
Extremæ

Extremæ. Donum abyſſaliſſimæ Tui Re-
verentiæ, mei verò contemptiõnis,
& impetratiõnis omnium gratiarum quas
potes ſcis & vis Tibi placitiſſimas mihi
utiliſſimas, & efficaciſſimas finales; Do-
num utendi iſdem gratijs juxta guſtum
Tuum. Donum denique delicioſiſſimæ
poſt Sacrum gratiarum actionis.

Mi IESV Puriſſimo Corpore & San-
gvine Tuo purifica corpus & ſanguinem
meum, puriſſimo cibo & potu Tuo, pu-
rifica gulam meam, puriſſimo verbo tuo
purifica mentem & linguam meam.

*Elicies quoque iterum quinquies Lau-
detur SS. SACRAMENTVM propter
Indulgentiam, item elicies actus ad Æ-
ternam Sapientiam. Vel: Divinitas Chriſti
in habita me, Perſona Chriſti i indivina me,
prout feret tempus.*

XXXVIII. *Dicta Poſt communionem dum oſ-
ſcularis Altare dices: Benedic Creator
memoriam creaturæ tuæ. Poſt Orationes
dum oſcularis dic: Benedic Redemptor
intellectum redempti Tui.*

Post

Post Placeat tibi: dum oscularis die, Be-
nedic Spiritus Sanctificator Voluntatem
sanctificati tui.

XXXIX. *Tollens calicem de altari ante*
abitum; dices breves orationes has

Quæsumus Omnipotens DEVS, ut
 ante ejus membra numeremur, cu-
 jus communicamus Carni & sanguini.

Hæc Sacra nos quæsumus Domine
 potenti virtute mundatos ad suum puri-
 ores faciant redire principium.

Sancti Nominis Tui Domine timorē
 rem & amorem, fac nos habere perpe-
 tuum, quia nunquam tua gubernatione
 destituis, quos in soliditate tuæ dilectio-
 nis instituis.

XL. *Genuflectens ultimò ante altare di-*
ces. Toto me, gloria Patri, gloria Filio,
gloria Spiritui Sancto, Quotiescunque
genuflectis in sacro, flecte affectu omni-
um Sanctorum; & omnium creaturarum,
quo DEVM debent adorare.

XLI. *In recessu ab altari, usque ex sa-*
crario ad cubiculum, vel gratiarum actio

*nis locum, recitabis canticum Trium
puerorum Te DEUM laudamus, Magni-
ficat, aliasque orationes. Lavabis ma-
nus post sacrum dicens solitam orationem
G: Laudate Dominum omnes gentes
pro defectibus Missa supplendis.*

OBSERVATIONES
POST SACRUM
OBSERVATIO I.

*Q*uaeres solitudinem mentis, à curis, Cor-
poris, ab Hominibus, ut totum te cum
Christo, Sanctissima Trinitate in te Sacra-
mentaliter concomitanterque speciali reali-
tate prasente, occupes, crescendo semper in
devotionis fervore, ab ipsa communione
usque ad consumptionem. Moraberis cum
Domino quàm diutissime licebit, nullis non
artibus studendo DEUM demereri tibi:
plurima & maxima à ditissimo, libera-
lissimoque Principe, Patre, Domino, DEO,
bona ac dona postulando, eum ad cor tibi
loquentem audiendo, Statum vita tua, ne-
cessitatesque tuas, proprias, communesque
exponendo.

Ex

II. *Exercebis actus quinque ad Christum
presentem.* Dulcissime Hospes animæ
meæ IESU, pro eo affectu & charitate,
quâ hoc Sacrificium atque Sacramentum
in ultimâ Cœna instituisti, & me ad il-
lud peragendum sumendumque admisiisti.

*Ignosce obsecro, quòd non cum debi-
ta præparatione, puritate, humilitate de-
votione, ad tantum Mysterium accesserim.* Omnem porro defectum in eius
oblatione & sumptione commissum, de-
le ac remitte, supplendo hos defectus
commissionis æquè ac omissionis, acti-
bus tuæ profundissimæ reverentiæ, inten-
sissimæque charitatis, quos Tu ipse in die-
bus carnis Tuæ circa hoc Mysterium
exercuisti, & quos unquam ex dono Tuo
omnes servi tui huic mysterio addictissi-
mi exercuerunt, exercent, exercebunt
que usque ad finem sæculi: quos qui-
dem actus omnes, jam nunc ego in tua
omni circumstantia, Tibi placita, Tuis
Theandricis actibus unitos, offero nunc
toto me, per Te Sanctissimæ Trinitati,

In supplementum omnium, qui mihi defuerunt, petens simul omnia impedimenta fructuum & gratiarum Sacrificij Sacramentique à me removeri.

Introtrahere. Mi IESU totam hanc meam hujus Sacrificij actionem in cor tuum amabile, offer in gratiarum actionem, impetrationem, satisfactionem, reliquosque fines, quorum intuitu nunc sacrificium obtuli, Sacramentumq; sum: ipsi Præcipuè verò, ad gustum Patri, Verbi, & Spiritui Sancto, nec non ad incrementum specialis gloriæ omnium Sacerdotum Sanctorum Patronorum Mysteriorij hujus in Cælo regnantium, augmentum verò in terris adhuc degentium,

Uni me Tecum Mi IESU indissolubili amore ad eum, qua possibile est modum, quo Tuæ Humanitati unita fuit, & est Divinitas, in qua subsistebat. Sis Tu quoque mi IESU subsistentia & vita animæ meæ, ut in Te, propter Te anima mea subsistat, vivat, moveatur, agat, & agatur per Spiritum amabilissimi cor

dis Tui, ita ut anima mea plus de Te vivat, quem amat, quàm in corpore, quod animat.

Transforma. me in Te Mi Iesu, ut omnis substantia mea pereat in Te. Nihil sit in me, non tuum non in te transformatum. Totus annihiler in me, & Tu sis meum esse, omniaque mea.

Admitte me mi Dulcis Iesu, æterna Patris Sapiencia ad ignitissimam & Seraphicam Societatem amantium Tuam Sanctissimam Humanitatem, sive interris, sive in cælis. *Hoc autem peto* per cor & animam dilectricis Tuæ P. Parentis; quæ Te Incarnatum prima & principaliter & maxime super omnes Seraphinos magis Seraphicè dilexit: atque in Sacramento omnium maximè & dignissime amavit & honoravit. *Peto* id etiam per corda & animos omnium qui Tuam Sacratissimam Humanitatem ardentissime dilexerunt, coluerunt, potissimum qui sub specibus Panis & Vini immolarunt, vel immolatam honorarunt, æstima-

marunt, manducaruntque; hoc per ipsam istam Tuam, ô Aeterna increata Incarnataque Sapientia Humanitatem, quam modò immolavi & sumpsi, cujus præsentia Sacramentali adhuc fruor & fruor usque ad specierum consumptionem; ut nimirum ex dono Tuo & ex virtute Sacramenti Sacrificijque sim unus ex amatoribus Tuis Seraphicis, incessabilibus, neque ab eorum Societate excludar unquam in tempore & æternitate.

III. *Elicies sequentes actus.* Dulcissime IESV Te in me realiter concomitante Sanctissima Trinitate præsentem credo, amo, æstimo, adoro, toto me, toto corpore, tota anima, persona, omnibus viribus internis omnibusque partibus externis. Tota memoria, intellectu, voluntate, libertate, deliberatione, iudicio, ingenio, imaginatione, omnibus sensibus externis, omnibus affectibus partis superioris & inferioris, omnibus qualitatibus & accidentibus, omnibus actionibus & passionibus, omnibus virtutibus
donis

donis & bonis, tam naturalibus quàm
supernaturalibus, omnibus atomis, om-
nibus circumstantijs omni etiam o-
bedientiali capacitate. *Credo etiam &*
amo & adoro Te mi IESV cum San-
ctissima Trinitate in me realiter præsen-
te, toto me: toto universo, omnibus
que atomis universi, universalitatisque,

Estimo & adoro & amo Te toto
cælo, igne, aere, aquâ, terrâ, omnibusque
hic contentis, omnibus etiam horum vi-
ribus, actibus, conditionibus. Estimo
& adoro & amo Te quoque, tota P.
Parente, totâque curiâ Cælesti Sanctis,
Angelis, Archangelis, Virtutibus, Prin-
cipatibus, Potestatibus, Dominationibus
Thronis Cherubinis, Seraphinis Apo-
stolis, Patriarchis, Prophetis, Martyribus,
Doctoribus, Confessoribus, Virginibus,
Viduis, omnibusque Sanctis.

Estimo & adoro & amo Te quoque
omnibus inanimatis, omnibus etiam da-
mnatis tota æternitate.

Humillio me Mi IESU Coram Te &

coram Sanctissima Trinitate, tecum in me presente, toto me, usque ad inferos, usque ad abyssos, infra damnatos, infra bruta, infra inanimata, & infra ipsum nihili eentrum.

Benedico Te Mi IESU cum Sanctissima Trinitate tecum in me presente, toto me, benedictionibus & laudibus totius creaturæ, inanimatæ, viventis, sentientis, intelligentis, damnatæ, viatricis, iustæ, Beatæ, P. Parentis, Tuæ Sanctissimæ Humanitatis & Divinitatis, & denique Sanctissimæ Trinitatis.

Exulto de omnibus & singulis bonis Tuis ô Sanctissima Trinitas, atque JESU Christi Humanitas, exulto toto me, totisque totius mei viribus. Exulto Trinitas Sanctissima Te esse id, quod es; esse Te DEUM Unum in Trinitate, Trinum in Unitate, esse Vitam, Rationem, Voluntatem, esse Omnipotentiam, Misericordiam, Iustitiam, Charitatem, Bonitatem, Liberalitatem, Immensitatem, Dignitatem, Sapientiam, Veritatem, Æterni.

ternitatem, Pulchritudinem, Dulcedinem
 Laudabilitatem, Simplicitatem, Omnia.
Exulto Mi JESU Te etiam esse id quod
 es, esse Te DEVM Hominem, & gratu-
 lor tibi id, quod es & id quod habes,
 gratulor tibi omnia bona naturæ, gratiæ,
 gloriæ, unionis hypostaticæ, omnia quo-
 que opera, munera, merita, glorias, vir-
 tutes..

Omi JESU te ego præsentem in me
 DEVM, homo; Creatorem, creaturæ;
 Redemptorem, redemptus; Dominum,
 servus; Regem subditis; Imperatorem,
 miles; Parentem, filius; Magistrum di-
 scipulus; medicum infirmus; iudicem re-
 us; Sponsum sponsa; Pastorem ovicu-
 la; Ditissimum divitemque DEVM pau-
 perculus & misericulus, toto me amo-
 & æstimo, & exalto super omnia pro-
 pter te.

Tibi Mi JESU omnes actiones & pas-
 siones, seu mutationes totius vitæ sub-
 stantiæque meæ (imò & omnium quan-
 tum in me est creaturarum) unitas acti-

ōnibus & passionibus & meritis totius
vitæ tuæ, in realem, verbalem, cōrdia-
lem, præteritam, præsentem & futuram,
omnimodam, possibilem, infinitam, in-
cessabilem, offero, consecro, dono, tra-
do, sacrifico, gratiarum actionem, lau-
dem, adorationem, amorem, exaltatio-
nem tui: *Itemque* in præparationem ad
futuras Missas & communionem. *Item* in
dispositionem ad gratias Sacrificij, Sa-
cramenti, beneplaciti, actuales, habitu-
alesque, finales, opportunas, efficaces,
perseverantes. *Item* in satisfactionem pro
defectibus missarum & communionum
& confessionum mearum: & pro omni-
bus meis tam culpæ quam pœnæ obli-
gationibus, in specie autem pro pœnis o-
mnibus spiritualibus. *Item* pro anima-
bus in purgatorio.

Item pro gratia fervoris in vita & mor-
te, proque sancta morte, finali in boni-
tate & sanctitate, & perfectione, & So-
cietate perseverantiâ.

In particulari volo mi IESU cum tua

gratia me exercere & perficere assiduè
idque specialiter in gratiarum actionem
pro Sanctissimo sacrificio & Sacramen-
to in aliosque fines jam supra expressos,

In renovatione intentionis crebra. *In*
continuè crescentis fervoris excitatione

In actuali devotione in omnibus. *In*
concatenatione actionum per spiritum.

In DEI præsentis amante memoria &
memori amore. *In* invocatione auxiliij *In*
communicatione spirituali *In* actibus he-
roicis. *In* usu orationū ejaculatoriarum. *In*
amore & fame orationis, crucis & labo-
ris. *In* dilectione cordiali beneficenti-
que erga inimicos, & detractores. *In* gra-
tiarum actione assiduà & reali pro be-
neficijs toti mihi factis & faciendis per
æternitatem. *In* actibus quàm plurimis
heroicè magno spiritu & devotione per-
ragendis.

Ad eundem finem volo mi IESU, volo
cum Tuà gratiâ emendare me peculiariter:
& particulariter. *In fuga vana gloria. In*
ira & impetuositate, In actuum inordina-

tionem. In tepore in gulositate in inconstantia, in complacentia & fiducia mei, in neglectu reflexionum, in amaritudine animi, in effusione agendi, in minimorum bonorum, mortificationum & perfectionum omissione, In minimarum imperfectionum contemptu & admissione. In gravedine atque repugnantia ad orandum.

IV. Confiteberis Christo commendabis que tuas & totius mundi necessitates. MI ESU confiteor & commendo tibi, omnes meas necessitates naturales personales, spirituales, corporales, officiales, temporales.

Confiteor & commendo tibi paupertatem meam memoriam; intellectus, voluntatis, iudicij, Imaginationis, sensuum, corporis, affectuum animæ, scientiæ prudentiæ, virtutum, gratiarum, meritum, sanctitatis actionum & passionum. firmitatis in patiendo, agendo, & perseverando. Discretionis & Industiarum, in cura potissimum aliorum tam quoad interis

Interiora, quàm quoad exteriora eorum

Confiteor etiam & commendo
 Tibi mi JESU toto me, necessitates
 omnes totius mundi, Ecclesiæ, Im-
 perij Christiani, Regni, & Regis no-
 stri, Societatis, superiorum, personarum,
 locorum, laborum, officiorum, tribula-
 tionum, tentationum, zeli ejusdem, con-
 fraternitatum quibus participo. Paren-
 tum Fratrum Consanguineorum; in spe-
 cie amicorum privatorum & comuni-
 um, inimicorum privatorum & commu-
 nium, Benefactorum privatorum & com-
 muni-um, omnium, quos læsi & nocui
 unquam, omnium ad curam meam per-
 tinentium, omnium pœnitentium meo-
 rum, præteritorum, præsentium, futuro-
 rum, omnium qui pro me orant, omni-
 um, qui se commendaverunt orationi-
 bus meis, omnium personarum & rerum
 commendatarum ab obedientia, omni-
 um meorū in Domino, quos ille scit &
 vult, omnium, in peccato mortali, in a-
 gone mortis, in gravi necessitate, omni-
 um

um animarum purgatorij. Omnium, pro quibus Societas orare intendit, quos prædestinasti per nostram Societatem juvâri, pro quibus orarem, si illos mortuos esse scirem, omnium vivorum & mortuorum, quos scit & vult DEUS, Tu mi JESU, qui cum Patre & Spiritu S. omnia diligis, & scis, & potes, adjuva omnes nos, sicut scis, vis, potes, propter te.

V. Reddes rationem conscientie ac vitæ tuæ Christo præsertim: ut DEO, ut Medico, ut Spiritus Patri; aperiesque illi conscientie librum, & petes, ut scrutetur latebras ejus in lucernis suis utque tibi luce suâ indicet, quid displiceat in te, quid desideret à te. Repetes si voles & facies Christo Confessionem defectuum tuorum (supra positorum ante Sacrum Oberv. 5. ex Thoma de Kempis) petesque misericordiam & indulgentiam. Audies attentè, & reverenter, quid loquatur in te Dominus tuus, quid jubeat, quid moneat, quid arguat, quid desideret; statuesque cum omni fidelitate, diligentia exequi omnia, que

quæ intimata tibi senseris à Domino.

VI. Exercèbis quàm plurimos virtutum actus in gratiam Christi Domini presentis.

1. Agnosco mi JESU DEUS, & Redemptor meus, inhabitator quoque, cibus & conviva, Hospes & Sponsus, pater & Rex meus; agnosco inquam me sine tua gratiâ nihil esse, nihil nosse, nihil posse, in Te autem & de Te omnia esse, posse, & nosse.

2. Mi JESU tota mendicitatis meæ abyssò, Tibi supplico pro omnibus, & singulis bonis, donis, naturæ, gratiæ, gloriæ, mihi & omnibus quibus Tu scis & vis.

3. Demergo me Domine in omnes abyssos nihili miseræ malitiæ indignitatisque meæ; in omnes autem abyssos, Essentia, Bonitatis, Dignitatisque Tuæ, coram Te, propter Te, toto me.

4. Doleo de peccatis meis omnibus & singulis cordis, oris, operis, commissionis, omissionis, alienis, ignorantia, de-
tractionis

tractionis, superbiæ, inconstantia, juven-
tutis: Doleo autem propter Bonitatem
Dignitatem Charitatem Tuam: propter
vilitatem, malitiam ingratitudeque
meam, toto me.

5. Credo Domine adjuva incredulita-
tem meam. Credo Te, in Te, de
Te, omnia revelata à Te, quia revelata
à Te, toto me.

6. Spero in Te, spero Te, spero à Te
spero omnia promissa à Te, quia pro-
missa à Te, & in sola gratiâ Tuâ meri-
tisque Tuis confido toto me, propter Te.

7. Confige Domine timore tuo car-
nem & mentem meam, ut Te semper
& solum, & super omnia, timeam, ut
que creaturas timere timeam.

8. Mi IESU toto me amo, æstimo,
dignifico Te; quantum Tu scis, si pa-
rum, da amplius, da fortius da incessabi-
lius, da Seraphico, da MARIANO, da Tuo
amore, diligam Te, propter Te.

9. Devoveo, despondeo, dedico me to-
tum, toto me, suavissima, adoranda di-
guissima



gnissimæ voluntati Tuz propter Te.

10. Devoveo, etiam totum me, toto me. exaltandæ dignitati Tuz, propter Te.

11. Mi IESU qui uteris Te ad humiliandum Te, exaltandum autem me, utere etiam me, ad humiliandum me. & exaltandum Te, valdè, toto me, propter Te.

12. Peccavi Domine, peccavi Tibi soli, & malum innumeram coram Te feci, feci, ego vilitas, malitia, nihik, feci autem in Te Dignitatemque Tuam & Bonitatem & Voluntatem Tuam.

13. Ad satisfaciendum pro peccatis meis, Tibi, Mi IESU trado me totum, voluntati, iustitiæ, misericordizque Tuz, fac ergo mecum voluntatem, justitiam, misericordiam Tuam sicut potes, scis, & vis.

14. Pone me totum Domine in manibus tuis & in. Beneplacito suavissimæ Voluntatis Tuz, ad omnem omnino usum placitumque Tuum, in omnibus circum

circumstantijs tuæ voluntati placitis, si
ve sint illæ dulces, siue amaræ, siue sint
duræ, siue faciles, siue, honorificæ, siue
ignobilès, siue sint longæ, siue breues.

15. Volo Mi IESU & desidero & pe-
to pati, quidquid me vis pati; quidquid
patiuntur, passæ sunt, passuræ adhuc sunt
omnes creaturæ per omnem æternita-
tem, propter participationem omnis
Crucis Tuæ, quam subiisti pro me.

16. Immolo Tibi Domine, immolo
omnem amorem, omnem libertatem,
omnem sensum omnem intellectum, om-
nem honorem, omnem substantiam,
omnem capacitatem, omne quidquid
sum & esse possum, omnem & totum
me, immolo inquam in holocaustum ju-
ge & æternum super altare Voluntatis
Tuæ in igne dilectionis tuæ, in prunis
cenfuræ humanæ & omnis omnino cre-
aturæ propter Te.

17. Exuo me & expolio me amore,
gustu, proprietate, dominio, usu, intuitu
omnis creaturæ, etiam necessariæ, etiam

mei ipsius, etiam omnium actionum
passionumque, etiam partium ac poten-
tiarum mearum, etiam bonorum & do-
norum tuorum naturalium ac superna-
turalium, etiam meritorum, quatenus,
aliquo modo meorum. atomorum me-
arum. Hæcque omnia Tibi, & volun-
tati tuæ restituo, ac subijcio. Tua sunt
enim, & eorum possessio, gloria, boni-
tas Tua! tantum modo indigentia, in-
dignitas, ingratitude illorum, mea.

18. O Domine si Te homines nos
sent! ô si in te crederent! in te sperarent!
Te diligerent! Te æstimarent, Te lauda-
rent! Te possiderent.

19 O Domine si ego possem omnes
& singulas, creaturas tuas naturales, ad
Te adducere, tuique notitiâ, fide, spe,
timore, dilectione, laude, fruit one, im-
plere propter Te.

20 O Domine pro omnibus & singu-
lis creaturis tuis, nunc pro omni tempo-
re æternitate, novi Te, confiteor Te, cre-
do in Te, spero in te, amo te, laudo,
æstimo

estimo, exalto, revereor te, toto me propter Te.

21 Desidero mi IESU omnem omnis virtutis perfectionisque perfectionem & excellentiam nosse, desiderare, amare, quærere, acquirere, possidere, tenere, augere, servare, in me, imò in Te propter Te, propter gloriam Nominis Tui, propter similitudinem perfectionis Tuæ, propter gustum voluntatis Tuæ.

22 Desidero mi IESU toto me omnia dona gratias, merita, virtutes, perfectionesque omnium Electorum tuorum, P. Parentis Tuæ, Sanctissimæ Humanitatis Tuæ, non propter ullum bonum meum, quatenus meum, sed propter exaltandum magnum & Sanctum, per me, in me, Nomen tuum, propter te.

23 Desidero mi IESU imitari & exprimere quàm perfectissimè Paupertatem, Humilitatem, Mansuetudinem, Modestiam, stultitiam, contemptibilitatem, vilitatem, passionem, crucifixionem, mortem tuam, mea paupertate, humilia-
tione

tlone, subiectione, mansuetudine, patientia, contemptione, vilificatione, annihilatione, stultificatione, cruce, passione, morte. toto me propter Te.

24 Amo Domine JESU toto me, propter Te, omnem creaturam, etiam mihi inimicam & inutilem, etiam omnes reprobos, quatenus aliquid tui sunt, omnes Electos. P. Parentem tuam, tuam sacratissimam Humanitatem, tuam divinissimam Divinitatem.

25 Cor mundum Bone JESU, & corpus castum crea in me, ut dignum Te, fiat Tibi habitaculum semper in me propter Te, & da mihi illud curare ardentiter toto me.

26 Immergo mi JESU totum me semel pro semper in balneo & mari sanguinis Tui meritorumque tuorum: iisque me unio, & uniri à Te, in eiusque sepeliri postulo toto me.

27 Gratias tibi ago Domine JESU toto me, pro omnibus & singulis beneficijs mihi & omni creaturæ, imprimis
autem

autem tuæ Sanctissimæ Humanitati, & ejusdem P. Parenti, omnibus Electis præstitis & præstandis per omnem æternitatem.

28 Odi Domine & odisse volo, toto me, & ex toto corde meo, omnem noxam etiam venialem, etiam minimam tanquam maximam, meam, alienam dummodo Tibi dispicitam.

29 Volo mi IESU, & desidero, & & propono, Tibi æternaliter in omni perfectione servire propter Te, toto me, semper ardentius.

30 Volo mi IESU, vota mea, quæ vovi, servare, eaque ac si nunc facta primum, rata habeo, & denovo innovans, voveo toto me propter te.

31 Complaceo mihi mi IESU in omni eo statu, quem me Tua suavissima voluntas inire fecit, in eoque semper volo amplius, in millies & millies majori proportionem fervoris crescere atq; progredi, & crescendo semper perseverare usque in finem. Idque ab omni bonita-

te Tuâ postulo supplex toto me propter te.

32 Peto Domine fidem, cultum, penetrationem, gustum, amorem, usum, fructum, Sanctissimi Tui Sacrificij & Sacramenti quam maximum, semperq; magis ac magis in me crescentem, voloque ad ejus usum & oblationem, omni atomo mei, & vita, actionum passionumq; mearum disponi toto me, propter Te.

33 Imple mi IESU, imple per me, & in me & per omnem creaturam tuam, omnes voluntates atque intentiones, & voluptates, atque glorificationes tuas, & Patris tui æterni, & Spiritûs Sancti, cui Tecum toto me, toto Te, omnis amor, omnis honor, omnis gloria in sæcula sæculorum & ultra.

VII. *Petes à Christo Domino Sacramentaliter in te presente quam poteris maxima plurimæque bona. Atam divite & profuso Domino, non decet nulla aut parva dona postulare, tam tibi quam alijs.*

O Dulcissime atq; liberalissime IESU postulo

Postulo à Te veram & finalem pro peccatis meis omnibus & singulis, contritionem, & satisfactionem. **Postulo** à te ut si quod in me salutis æternæ, gratiæq; tuæ impedimentum, si quam peccati maculam, si quam peccandi occasionem vides, eam quam primum à me removeas. **Postulo** à te ut omnes pravos habitus in me extirpes, omnes immoderatos passionum impetus, omnes effrenes concupiscentiæ ardores in me reprimas. **Postulo**. à te ut corpus & animam, ab omnibus phantasijs, imaginationibus immunditijs, ab omnibus actibus etiam solum materialiter malis, ab omnibus actibus immeritorijs, ab omnibus denique imperfectè vel tepidè factis bonis purifices. **Postulo**. à Te ut des mihi gratiam ita vivendi semper ut (quantum fragilitas sinit) sim absque culpæ & pœnæ obligatione, coram Te, aut saltem primo quoq; tempore diebus singulis sanguine tuo, per gratiam tuam, cooperationem meam, ab eis emunder, absolvarq; a Te. **Postulo**

Postulo

Postulo à Te Dulcissime JESU ut des mihi gratiam abstinendi semper ab omnibus & singulis maximè verò deliberatis peccatis. *Postulo* à Te ut des mihi, operibus meis bonis consequi, & adæquare cognitionem & lumen internum, gratiarumque tuæ affectionem & impulsus. *Postulo* à Te ut des mihi semper juxta aut etiam supra habitum virtutis, mensuramque gratiarum abs te mihi communicatarum, opera mea perficere. *Postulo* à Te des mihi propter Te, & propter Divinum tuum gustum, dona multa & magna, quæ magnis tuis Sanctis contulisti. *Postulo* à Te, ut des mihi semper exactè, promptè, vigilantè, dulciter, perseveranter, gubernationi ac regimini, inspirationique tuæ mediatae ac immediate in omnibus cor-respondere. *Postulo* à Te Liberalissime JESU, ut des mihi habere in omnibus actionibus, propositisque meis rationem naturæ, perfectionis & mortificationis. *Postulo* à Te ut des mihi gratiam semper & semper ferventiùs tibi servandi,

magis tibi placendi, perfectius te cognos-
 cendi, sincerius & devotius te exaltandi,
 profundius autem & cordialius, me infra
 ipsum nihili centrum abijciendi. *Postulo*
 à Te ut des mihi vitam longam, plenam
 sanctitate mea, & proximorum fructu in-
 genti, omnibus etiam laboribus & cru-
 cibus parem. *Postulo* à Te ut des mihi
 gratiam, inspirationes tuas, proposita au-
 tem, & incepta mea bona omnia exe-
 quendi, constanterq; ac illuminatè, arden-
 ter in eis perseverandi. *Postulo* à te Mi-
 sericordissime ac Liberalissime IESU, ut
 des mihi ad extremum vitæ meæ instans
 usum rationis (quin & sensuum) utque
 te etiam in extremo vitæ puncto super
 omnia diligam, super omnia æstimem,
 super omnia cupiam, tanquam superna-
 turale bonum, ultimumque finem me-
 um, & ex iisdem motivis de peccatis
 meis dolendo, in manus tuas & P. Parent-
 tis Angelorumque ac Patronorum Santi-
 ſtorum, spiritum meum tradam. *Postulo*
 à te DEUS meus gratiam discernendi
 spiritus

Spiritus, tam in me ipso quàm in alijs
Postulo à Te ut des mihi cor misericor-
 diâ plenum, quò aliorum bonis sine in-
 vidia faveam, infirmitati & miserijs sine
 furo compatiar, facile omnia excusem,
 regam, laudem, aut saltém nec meæ nec
 alienæ censuræ subijciam. *Postulo* à Te
 DEUS meus ut des mihi gratiam capi-
 endi homines, ad bonumq; à malo, sua-
 viter, prudenter, efficaciterq; deducen-
 di. *Postulo* à Te mi JESU, ut des mihi
 gratiam Societatis JESU ad conversan-
 dum, concionandum, consulendum, con-
 fessiones audendum, scribendum, con-
 futandum: ut item des mihi industrias,
 praxes, inventionesq; prudentiæ spiritua-
 lis animarum periculis occurrendi. *Postulo*
 à Te ut dirigas ad me, vel me, ad tales
 homines qui maximè egent, & remoti
 sunt destitutiq; suâ vel alienâ culpâ ab
 auxilio spirituali, utque mihi des gratiam
 ejusmodi homines efficaciter etiam cum
 patientiæ meæ exercitio adjuvandi & ad
 Creatorem & Redemptorem earum addu-
 cendi. *Postulo* à Te ut in me & in alijs per-

diabolum objecta, potenter removeas, mihiq; cum omni genere hominum tractandi gratiam salutarem concedas. *Postulo á Te mi IESU* ut animabus in purgatorio positis, quæ vel peculiari da causa juvari á me debent, & vel minimum vel etiam plurimum ad exsolvendam, justitiæ Tuæ habent; vel á nullo viventium in particulari penitus juvantur, quàm citissimè miserearis requiemq; æternam tribuas, *Postulo á Te mi IESU*, ut notitiam, fidem, amoremque Tui in omnium hominum cordibus quàm efficacissimè, dissemines, foveas propages, atque conserves, fructumq; tum pretiosissimæ vitæ, passionis ac mortis tuæ: tū sacrosancti sacrificij atqve Sacramenti Altaris, omnibus & singulis efficaciter & finaliter, juxta tuum & ad tuum beneplacitum communices. *Postulo á Te Dignissime IESU*, ut voluntatem tuam, gloriam tuam, dignitatem tuam Patrisque tui æterni, necnon Spiritûs Sancti per omnes & singulas creaturas tuas perfici;

as, teque superexaltes in sæcula sæculorum.
 Ad extremum *Postulo* a Te Dignissime
 IESU, ut des mihi & amicis meis omni-
 bus, inimicis quoque & ingratis, & u-
 niversim toti humano generi peccatorū
 veniam, vitæ emendationem, virtutum
 perfectionem, amorem tuum perfectum,
 finalem in sanctitate perfectionem. *Po-
 stulo* ut des Parentibus fratribus con-
 sanguineisque meis gratiam tuam, tem-
 poralium sufficientiam, spiritualium abun-
 dantiam *Postulo* vt des tui cognitio-
 nem & dilectionem infidelibus, des suc-
 cessum & benedictionem, officijs, curis,
 necessitatibus difficultatibusque meis.
 Dirige me in omnibus consilijs, & operi-
 bus, da perseverantiam in mandatis &
 beneplacitis tuis; fac mecum dulcissime
 IESU semper omnem adorandam volun-
 tatem tuam, & utaris me ad humilian-
 dum me, ad exaltandum autem Te val-
 de, nimis. Fac me perfectum professo-
 rem possessoremque crucistuz, contem-
 ptus tui probrorumque tuorum. Da mi;

hi multa & gravia & occulta pro te, pro
 tua gloria & voluntate, pro animarum
 salute, sine cuiusquam peccato perpeti.
 Utere mi IESU famâ, honore, viribus,
 vitâ, corpore, animâ meâ, totoque me
 ad dignificandam inter homines dignita-
 tem tuam. Vestias & exornes me digna-
 tionibus, insignibusque tuis specialibus.
 Impende mi IESU ijs omnibus, qui mi:
 hi unquam fuerunt sunt, erunt, quo:
 cunque modo inimici, molesti, ingrati,
 tuam gratiam Sanctificantem nec non
 omnis Beneplaciti tui affluentiam copi-
 osam. Utere mi IESU creaturarum tuar-
 rum, quarum scis & vis (nominatim fras-
 trum meorum Beneficiariumque) cen-
 suris, lingvis, calamis, industrijs (ex-
 clusis tantum peccatis) ad humiliandum
 me, exaltandum Te. Impende autem mi
 hi efficacem tuam benedictionem, & so-
 lidam consolationem, per earundem cre-
 aturarum merita & suffragia, meritistor-
 is conjuncta, in omni angustia, necessi-
 tate, actioneque mea. Fac mi IESU,
 me

me, veritatis tuæ cognitorem, amatorem, professorem, defensorem. Fac voluntatis tuæ cognitorem, amatorem, professorem, defensorem. Fac voluntatis tuæ mancipium & sponsum. Fac Dignitatis tuæ zelatorem & devotum. Fac Sapientiae tuæ discipulum, ministrum, socium, Filium, Fac gratiae providentiaeque tuæ nutritium & infantem. Fac me Domini tui servum, dignationum Tuarum subiectum & antesignanum. Fac me Tuæ, omnium nostrum P, Patentis, mancipium, filium, hæreditatem, hæredem, ac sponsum. Fac me denique stultum pro Te. Fac me Tibi pauperi, crucifixo, contempto conformem. Fac me secundum cor tuum.

Da mihi Dulcissime IESV ut sim recte & hanc animarum. Dirige ad me omnes auxilii spiritualis valde indigas. Da verbis scriptisque meis lacem, pondus & flammam. Da cordi meo Spiritum & zelum Apostolicum. Da discretionis & prophetiae [non illius mirabilis, sed

ad intima eordium penetrantis, & oportune verbum salutis proponentis, necessitatesque animarum introsipientis) donum. Da omnium donorum & fructuum Spiritus Sancti copiam. Da in omni occasione atque momento opportunum lumen, amorem, & directionem. Da lumen in intellectu, efficaciam in affectu, constantiam in incæptis perseverentiam in omni bono actu. Da dulcissime JESU clavem scientiæ, apertumque sensum ad intelligendas scripturas & veritates, da mentem & linguam eruditam in lege tua, da oculum & sermonem tuum ad intima eordium. Noli me mi JESU facere mirabilem in oculis humanis ac præsertim in meis, fac me fidelem ac prudentem servum tuum, gloriam tuam tibi integrè reddentem. Non sinas adverta mea quæ patior sciri, aut æstimari, dolerivè ab alijs, Non sinas labores, difficultates, necessitates, dolores meos, agnosci, apprehendi, curari. Fac mihi imputari alienas culpas, fac
mea

mea sciri & exaggerari errata, fac me lin-
 guarum martyrem, reprehensionum los-
 cum, contemptuum subjectum, irrisio-
 num materiam. Non utaris malignante
 mea linguâ, iudicio, censurâ, calamo,
 ad probandam, purgandam, limandam,
 que virtutem alienam. Aufer mihi pon-
 dus in sensualite, curiositate, & naturâ.
 Excæca oculum meum, quo intueri, &
 quærere soleo me ipsum, sed illum ad tu-
 solius intentionem intuitumque converte.
 Denique dulcissime IESU fac me San-
 ctissimæ humanitati tuæ conformem, Di-
 vinitati unitum, voluntati subjectum, di-
 gnitati devotum, bonitati immersum, a-
 more ebrium, sapientiâ absorptum, to-
 tum me totaliter in Te transformatum, mi-
 hi ipsi, amorique planè, mortuum atque
 sepultum, ac oblivioni traditum. Tibi ve-
 rò soli & Te solo, in vita & morte vis-
 ventem atque spirantem, sicut Tu potes
 scis, & vis, quia hæc est voluntas volun-
 tatis tuæ. Tibi cum Patre & Spiritu San-
 cto uni soli DEO honor & gloria in sæ-
 cula.

IX. *Institues meditationem aut leges et
Ius praxim ex hebdomadis liturgica die,
qua incidit, s'licebit, Ages gratias San-
ctis Patronis Sacrificij atque Sacramenti
Recitabis Pater noster & Ave MARIA
pro libitu decies minimum ad liberandas
animas è Purgatorio propter Indulgenti-
am &c.*

X. *Examen institues super decursum to-
rum Sacri, incipiendo à præparatione usque
ad finem gratiarum actionis: an observa-
tiones omnes expleveris. Quo peracto dices*
Confiteor, dulcissime IESU & con-
fundor, simulque deprecor, quod
Te DEVM, Dominum, Patrem Spon-
sum, Regem tantæ Majestatis, tam ab-
jectè tam frigidè amaverim & desidera-
verim, tam ejunè, rusticeque tractave-
rim & gratias egerim. *Postulo à Te mi-
sericordiarum Patre veniam, propono in-
posterum emendationem; peto deinceps
gratiam & benedictionem, & interim sus-
cipe à me hanc qualemqualem so-
licitudinem, & pro omnibus bonis tul-*

in presenti Saero & communionē nihil
 communicatis gratiarum actionem. Cum
 ego Domine (sicut neque ulli alteri meae)
 actioni atque passioni, conatui aut indu-
 striae, quatenus quidem meae nullatenus
 confido, sed eam omnino nihil esse, qua-
 tenus est ex me, quatenus autem aliquid
 est, ex Te DEO meo omnis boni fonte,
 esse confiteor. Ideoque Tibi tamquam
 totali omnis bonae dispositionis, omnis
 bonae operationis, omnisque causae boni &
 principio, omnia resigno, omnia attribuo,
 per omnia confido, tibi quae soli omnem
 gloriam refundo. Tu Domine fac mei-
 cum, & de me, omnem voluntatem tu-
 am, miserere mei sicut potes, scis, & vis,
 secundum magnam misericordiam tuam
 & propter omnimodam gloriam tuam.
 Tua enim est Domine omnis laus, ho-
 nor, gloria; mea vero est omnis culpa,
 & poena, & confusio in omnia saecula
 saeculorum.

XI. Actus Christo & P. Parenti in
mercedem inter sacrificandum post eum;

EC

incipio

munionem promissos, de more persolves.
 Expiationem defectuum, negligentiarum, omi-
 missionum & tepiditatum, solitam facies.
 Facies meditationem persequentes affectus

Ergone Sacrificatum est? &c. Vide fo-
 lio 69. Sacrum pro me ipso.

O Beatissima Trinitas DEVS meus di-
 gnissime, ecce oblaturus venio in-
 cruentum Sacrificium veri DEI Homi-
 nis, verè, realiter, substantialiterque præ-
 sentis. Quod ut est Adoratorium offero
 in exhibitionem supremi cultus Patriæ &
 adorationis tibi debitæ à me creatura tua,
 nec non in recognitionem tui superab-
 solutissimi in omnia creata dominii, me-
 æq; naturalis ac mihi essentialissimæ sub-
 jectionis. Cupio mi IESV, eo sub-
 jectionis modo tibi me subicere, quo
 tu tibi creaturam subijci vis, aut subicere
 potes: proinde nullis Divinæ tuæ volun-
 tatis de me decretis obstantibus, decer-
 ne de me nunc quidquid tibi placet in
 tempore ac æternitate, quod hoc San-
 ctissimo Sacrificio testari volo, teque DE-

VM meum in tua Deitate adoro supplex.
 Exhibeo præterea profundissimam ve-
 nerationem & reverentiam Incarnato
 Verbo, & Sacramentali Sacrificialique
 Christi præsentia ac dignationi, deside-
 rans ex tota affectûs intensione supple-
 re simul negligentias omnes eorum, qui
 se totos explicitè cultui latrico, abyssali-
 que venerationi DEI in carne & Domi-
 ni IESU Christi in Sacramento Eucha-
 ristia non impenderunt. Ecce ego nunc
 ex zelo honoris Hominis DEI, offero
 totius universitatis prædestinatorum, glo-
 rificatorum, & glorificandorum, omnem
 actuum latreuticorum collectionem, quâ
 suppleo meos & alienos hac in parte de-
 fectus atque insufficientias. Ut est.

Gratiarum actorium, offero in plenis-
 simam gratiarum actionem pro omni-
 bus prorsus beneficijs toti creaturarum
 populo, tam in ordine naturali quàm su-
 pernaturali, per generalem vel specialem
 individualèmq; concursum DEI, per
influxum Sanctissimæ Christi humanita-

tis præstitis, perque totam æternitatem
 præstandis ac præstabilibus cujus tam
 amplæ gratiarum actionis debitorem me
 fiducialiter constituo, fidens immensæ
 Domini IESU cordis capacitati, quem
 in hoc Sacrificio offeram. Specialiter au-
 tem in cor ejusdem Domini IESU hæc
 quæ recenseo beneficia, depono; ut ibi
 tanquam in suo fonte atque centro ma-
 neant: ego enim minor sum omni mi-
 nimo beneficio DEI, nec idoneus ad aliquid
 quidquam, nisi ad destructionem bene-
 ficij cujusque Divini. Igitur in hoc Sa-
 crificio gratias tibi ago pro beneficio
 creationis, redemptionis, & pro ijs o-
 mnibus, quæ hisce sunt connexa ac mihi
 a te collata. In particulari autem tibi
 gratias ago per hoc Sacrificium ex toto
 corde meo, totaque latitudine virium
 mearum, pro eximia misericordia tua,
 qua me in miseriis & peccatis sæculi de-
 mersum eripuisti, & collocasti in hac
 Sancta Societate tanquam in Paradiso de-
 liciarum sanctarum. Gratias ago pro o-
mnibus

omnibus votis, quibus me tibi adstrinxisti, ut in tuam transirem hæreditatem, totusque tuus essem & non meus, quæ me fecisse non solum non pœnitet, sed etiam, si ea ante non fecissem, nunc summo quo possum ex tua gratia, dilectionis tuæ supremæ ac super omnia affectu facio, voveoque tibi DEO meo irrevocabiliter & ex plenissima deliberatione, assensu firmissimo ex puro amore tuæque assumptæ humanitatis, nec non illius P. Parentis paupertatem, castitatem, obedientiam tam communem Religiosis Prælati, quàm specialem Summo Pontifici: nec non omne aliud votum à me tibi factum, in, & pro Societate IESU. Gratias ago tibi pro dignitate Sacerdotij, qua me de pulvere erexisti, idemque pro usu ejusdem Sacerdotij in administratione Sacramentorum pœnitentiæ præsertim & Eucharistiæ: pro omnibus igitur absolutionibus Sacramentalibus à me datis & acceptis: itèm pro omnibus Sacrificijs & communionibus atque Sacrificiis oblatiis pro me

à me, tibi gratias ago. O dignatio super despicabilem catellum, qui toties pascne filiorum tuorum pascus est atque saginatus. Gratias ago pro hac vicissitudine consolationum atque desolationum, prosperitatum & adversitatum, elevationum ac depressionum, quâ vitam meam mirabiliter texuisti, & adhuc texis, & denique textureus es. Gratias ago pro serie omnium mediorum prædestinationis meæ, & gratiarum omnium actualium tam in intellectu quam in voluntate cæterisque facultatibus receptorum: ago gratias pro omnibus singulis illuminationibus, pro omnibus Mysteriorum fidei vivacioribus apprehensionibus, convictionibus intellectualibus, voluntatis ad bonum permotionibus, piis desiderijs. &c.

Insuper pro omnibus beneficijs, quæ ex momento conceptionis meæ usque in hanc horam de tua benignitate suscepti, & quæ pro hoc momento temporis à te suscipio: pro ijs denique quæ usque in finem vitæ meæ, & per totam æternitatem

tem

rem sum accepturus ex thesauris inex-
haustæ tuæ liberalitatis. Ut.

Satisfactorium est, applico mihi satisfac-
tionem huic Sacrificio correspondentem,
si capax sum: sin minus applico illi, qui
me in hac vita In Christo diligit quam
maximè, vel cui ego debeo plurimum
in Domino &c. Ut est,

Imperatorium, offero pro impetran-
da remissione omnium peccatorum. pro
remotione impedimentorum salutis æteri-
næ atque peccandi occasionibus, tam re-
motis quàm proximis, internis & exter-
nis: denique pro impetranda gratia itâ
vivendi in posterum ab hoc momento,
ut possim esse absque omni prorsus culpa,
& absq; obligatione pœnæ ullius tem-
poralis in hac vita, vel altera exsolven-
dæ. Pro impetranda puritate corporis &
animæ tanta, ut ab omnibus actibus e-
tiam tantùm materialiter malis, imme-
ritiis, tepidè factis, purificatum me pu-
rissimus ille DEI contueatur oculos Pro
gratia ad universas virtutes assequendas, ea-
rùmque

rumque usum & exercitium continuum.
 Pro promptitudine correspondendi Divi-
 nis inspirationibus in quacunque mate-
 ria, licet difficili & sensualitati repu-
 gnante, proque dono singulari discer-
 nendorum spirituum in me & alijs. Pro
 impetrandis congruis auxilijs, Spiritus
 que donis ad Sacramentum pœnitentiæ
 prudenter, patienter, assidue, fructuose
 humiliter ministrandum, & ad Eucharis-
 tiæ Sacramentum missæque Saerificium
 obeuudum. Pro habendis, cognoscendis,
 arripiendis investigandis occasionibus me-
 rendi de animarum salute, utque ad me
 dirigantur animæ quàm maximè egen-
 tes, & auxilio spiritali destitutæ, utque
 ego eas ex dono DEI possim efficaciter
 iuvare. Pro impetrando dono concio-
 nandi hujusmodi, ut ab omnibus bene
 intelligi, libenter audiri, cordaque homi-
 num ad obtemperandum inspiranti DEO
 efficaciter permovere possim. Pro gratia
 habendi integri usus rationis & sensuum
 in hora mortis, ut in illo vitæ extremo
 puncto

puncto super omnia diligam Creatorem
meum, super omnia æstimem, super om-
nia cuplam, & ex iisdem motivis do-
lendo intensissimè de peccâtis, in manus
IESU spiritum meum tradam. Denique
offero in impetrationem eorum omni-
um, quæ Divina bonitas mihi concedere
disposuit, & ordinavit, ita ut illa vult,
quia vult quando vult, quantum vult, &
cum quibus circumstantiis conditionibus,
gradibusq; vult. Fiat. fiat, fiat.

PRAXIS CONTRACTA

*Applicandi Sacrificium Ecclesie. ejusque
effectus omnes quidem, ac precipue im-
petitionis sive suffragij, & propitias
tionis sive satisfactionis.*

I. Domine DEUS meus, Sanctissima
Trinitas, Pater, Fili, Spiritus Sancte,
coram tua Divina Majestate, doleo pro
peccatis meis omnibus & singulis: & do-
leo quia tu vis, & dignus es, ut doleam,
& quis displicent repugnantque Bonita-
ti tuæ quam amare super omnia æstima-
reque debui, & nunc æstimo æsti-
mareq;

marèq; semper deinceps volo. Sicut eti-
am volo deinceps pro iisdem peccatis
meis satisfacere juxta mentem & gratia-
am tuam, ab iisque semper diligenter ca-
vere. Quem contritionis actum offero
Majestati tuæ ad beneplacitum tuum, ad
fructum animæ meæ, ad disponendum
me dignè immolando sacrificio & sumen-
do sacramento tuo Sanctissimo, ad quod
accedere propono.

2. Domine DEUS volo & statuo tibi
offerre omnia sacrificia, quæ vis & scis
à me tibi offerenda (vellem etiam obla-
ta hæctenus si fieri posset) quantum est
ex me etiam ab alijs tibi unquam & us-
piam oblata & offerenda, nominatim ve-
rò istud hodiernum sacrificium, ad quod
accedo tibi offerendum: volo inquam
& statuo tibi offerere, defactoque offero,
omni ea ratione, modò, gradu, intellectu:
one, applicatione, sublimitate, intentio-
ne ejusque omni intensione, extensio-
ne, excellentia, motivo, puritate ac dis-
positione, quæ tu scis, vis, das, hic &
nunc

nunc juxta gustum voluntatis tuæ mihi,
 posse à me tibi offerri atque applicari.

3. Offero tibi Domine DEUS meus
 tam hoc quàm omne aliud Sanctissimum
 Sacrificium, quod nomini tuo in Eccle:
 sia tua Sancta ritè offertur & offeretur un:
 quam à me & ab alijs. & ego nunc of:
 fero ad omnimodam laudem tuam, ad
 gloriam Christi, ad memoriam, cultum
 & invocationem Sanctorum, nomina:
 tim ac specialiter ad invocationem Pre:
 tiosissimæ Parentis MARIÆ, Sanctorum
 hodiernorum omnium, Sancti N. San:
 ctorum Patronorum omnium. qui gratiã
 devotionis ac reverentiæ erga Sanctissi:
 mum Sacrificium Sacramentumque ex:
 celluerunt, Sanctorum Sacerdotum omni:
 um. Ad auxilium Ecclesiæ Tuæ, ad illius
 defensionem, instructionem, profectum,
 ad multiplicationē & augmentū in eai bo:
 norū ac justorum, ad aversionē calamitatum
 publicarum, diminutionemque peccato:
 rum & peccantium, ad sublevationē neces:
 sitatum nostrarum, nominatim mearū spi:
 ritualium, corporalium, officialium, omni

bus in genere & in specie, benedic Do-
 mine juxta cujus que indigentiam. Me-
 mento Dulcissime DEVS tam vivorum
 quam mortuorum fidelium, eorum præ-
 fertim pro quibus orare soleo, debeo,
 intendo, qui pro me orant, quibus spe-
 cialiter obstrictus sum, quales sunt, ami-
 ci, Benefactores mei omnes, mihi quoq;
 siue malicia, siue errore infensi, inimici,
 æmuli, adversarii, & pro quibus tu a me
 orari vis. Memento omnium istorum
 mi DEVS, & Sacrificij hujus valorem
 omnibus juxta gustum voluntatis tuæ,
 & debitum voluntatis meæ dispensa. Da
 tibi gloriam, & honorem, gratiarum
 actionem, Sanctis tuis laudem & exal-
 tationem, Ecclesiæ vivorum per omnes
 gradus & status gratiam: & auxilium:
 animabus purgatorij solatium & refrige-
 rium: mihi omne [cujus ex hoc sacri-
 ficio absque ullius damno & impedimen-
 to capax sum, & quovis modo derivari
 super me potest] meritum, gratiæ ac-
 tu-
 alis efficacis & congruæ copiam, & in
 sancti,

sanctitate finalem perseverantiam: juxta,
 proportionem operis operati, operis o-
 perantis, juxta impetratoriae & satisfac-
 toriae efficacitatis latitudinem, juxta di-
 spositionis meae tam habitualis quam a-
 ctualis, quam ex gratia tua mihi largi-
 ri tu dignaris, capacitatem. Tibi gloria
 & gratiarum actio, & plenissima aeter-
 naque subjectio in saecula.

In quem finem advoco tuam DEVS
 meus in substantia unitatem, in Personis
 Trinitatem, advoco omnitudinem,
 dignitatem, sapientiam, amositatem,
 justitiam, charitatem, misericordiam, pro-
 videntiam atque voluntatem. Advoco
 IESVM Christum tuum & Virginis Fi-
 lium cum omnibus ejus substantijs, per-
 sona, gratijs, meritis, donis, passionibus
 virtutibus, & apud te DEVM preroga-
 tivis sive justitiae, sive misericordiae, sive
 gratiae, sive liberalitatis. In specie vero
 advoco illum, quatenus est sacrificium
 nostrum pro nobis, in honorem tuum
 Domine DEVS noster. Advoco preti-
 osissimam

osissimam Parentem V. MARIAM cum
 tota ejus, quam apud te habet, præroga-
 riarum mentura. Advoco Angelos San-
 ctosque omnes tuos, eorumque gratias,
 merita virtutes & glorias ac intercessio-
 nes apud te. Nominatim advoco & in-
 terpono IESVM Christum quatenus est
 Sacerdos, altare & hostia vera & te di-
 gna. Advoco B. M. V. Sacerdotum o-
 mnium Reginam. Advoco omnes San-
 ctos Sacerdotes. Advoco omnes San-
 ctos Sacrificio Sanctissimo specialius in-
 signiusque devotos & addictos. Advoco
 omnes Sanctos templi hujus quacun-
 que ratione Patronos, omnes Angelos alta-
 rium, & præcipue hujus in quo immo-
 laturus sum præsides, omnes sanctos,
 quos Ecclesia in Missæ sacrificio ordina-
 riè ac nominatim invocat. Advoco San-
 ctum, cujus hodie diem Festum Eccle-
 sia recolit. Advoco Sanctos diei hodie-
 næ omnes. Advoco Sanctos quoscunque
 & quacunq; ratione meos Patronos, sive ex
 nominis, sive ex Religionis, sive ex patriæ,
 sive

ex Ecclesiæ hujus devotione, sive ex reliquiarum apud me asservatione, sive ex speciali mea erga illos, illorumve erga me affectione. Advoco Sanctos, quorum Reliquiæ in hoc altari sunt reconditæ. Hos omnes & alios quoslibet, quos tuæ Divinæ Majestati ac bene placito mihi auxiliares esse placet, invito, iisque me recomendo, ac ut mihi tam in hujus præsentis, quàm in cujuslibet alterius Sanctissimi sacrificij oblatione adesse, meque adjuvare dignentur, tota devotione mentis, tota prostratione cordis, tota fidei ac spei amorisque latitudine invoco.

Protestor autem Domine DEUS meus, me in hac & omni alia ad hoc & ad quodvis aliud deinceps sacrificium sanctissimum dispositione, nihil aliud, nihil omnino, nè meritum quidem meum aut gratiæ augmentum, nisi in quantum tibi DEO Domino placitum est, nihil inquam meum privatum, ac quatenus meum prætere, sperare ac desiderare, sed solam tuam voluntatem, solum tuum

G

bene

benèplacitum, solam gloriam, solam dignitatis tuæ exaltationem, in quantum hoc voluntas Tua vult & desiderat, atque approbat.

Protestor deinde, me hac omni, qualisqualis est [ex gratia autem tua tota est] dispositione atque dispositionis contentione, intendere velle, & sperare, & rogare, ut per eam disponar quàm dignissimè non tantùm ad sacrificium, ut sacrificium est, sed etiam ad omnem aliam in sacrificio contentam actionem, nominatim verò & præcipuè, ad consecrationem & denique ad sumptionem sive manducationem corporis & sanguinis Domini nostri JESU Christi, in eamensura, efficacia, proportione, intensione, extensione, in eoque gradu, in quo tu DEUS dignus es, in quo tu vis, in quo tu das. Tibi in Trinitate & Unitate æterna gloria super omnia, Amen.

ANNOTATIO:

Omnes supra posita observationes tantùm sunt posita temporibus & spatijs, quast

quasi vacuis inter actiones Missæ, quare
 per has, non excluduntur alix, quas quis
 habere volet in ipsis actionibus divinissima
 hujus occupationis. His observationibus
 ut commodè quis assuescat, eas non simul
 omnes assumat, sed nunc his, nunc insue-
 scat illis, donec omnes suas faciat absque
 perturbatione & morosa prolongatione mis-
 sæ, ne simus oneri audientibus. Deinde,
 quæ recitamus vel agimus in sacro, ea non
 cursim proferamus, sed cum intellectûs per-
 ceptione & affectuum in singulis latentium
 induitione, in omnibus sunt magna &
 mira mysteria, documenta, mira & ma-
 gnæ DEI laudes, multiplicia orandi DE-
 UM & honorandi genera, varia humili-
 ationes gratiarum actiones, Christi
 Domini P. Parentis, & San-
 ctorum meritorum precum,
 que interpositiones



PRECATIONES

Alia

Ante & post Missam
Authore P. Hieronymo Eytmin
Societatis JESU.

Actus Contritionis.

O Domine IESU CHRISTE! super
effluens fons misericordiae: En vi-
lissimus peccator iterum revertor
ad poenitentiae Sacramentum cum gemitu
in amaritudine cordis mei; & accuso
me, loco emendationis, in pristina
peccata & vitia relapsus. Parce Do-
mine, parce peccatori.

O Misericordissime IESU! respice me,
sicut poenitentem Magdalenam & flen-
tem Petrum respexisti; parce mihi, parce
quia pepercisti publicano poenitenti &
Ladro in Cruce confitenti. Parce ergo
& exaudi miserum peccatorem, Sanctum
Nomen

Nomen tuum & misericordiam implo-
rantem.

Doleo Domine cordialiter de peccatis
meis, dolore & mæore omnium, & quod
mihi de vero dolore ac contritione de-
ficit, Tu velis Sanctissimo Tuo dolore
supplere pro me, DEOq; Patri, omnem
dolorem, quem super meis, totiusq; mun-
di peccatis habuisti, offerre.

Confessionale ingressus.

ECce Domine perditissimus peccator
& miserrimus homo, accedo ad super-
effluentem salutis fontem, abyssum cle-
mentia & misericordia, ut pretiosissimo
Sanguine laver, Sanctissimis Tuis lachry-
mis, ab omni scelerum fæditate emunder.

Ante Pœnitentiam.

O Domine IESU Christe Fili DEI Vi-
vi! suscipe hoc obsequij mei mini-
sterium, in amore illo superdignissimo,
ac indulgentia quâ Beatam Magdalenam
& Petrum omnesq; ad te confugientes
peccatores absolvisti. Gratias quàm pos-
sum maximas ago misericordia tua, pro

exuberantissima bonitate tua, qua clementer peccata mihi multoties induxisti, meque millies perditum ac damnatum, in sinum benignissimæ gratiæ recepisti. & in numero Filiorum DEI collocasti. Respice igitur Amantissime Pater, super me obligatissimum debitorem, tuis sanctissimis advolutum pedibus, humiliter iterum supplico, per merita vitæ, Passionis ac mortis Tuæ; libera me à præteritis, & præserva à futuris peccatis, & concede in satisfactionem, assignatam condignè peragere pœnitentiam.

Post Pœnitentiam.

O Benignissime IESU! suscipe hanc satisfactionem pro peccatis meis, quæ quidem nullatenus conferri potest. cum multitudine & magnitudine iniquitatis meæ, quâ Te Dominum & DEUM meum gravissimè offendi. Undè nunc omnia simul mala mea, omnem ingratitude, sensualitatem, inobedientiam, iracundiâ, levitatem immortificatione, & cupiditatem & alia totius vitæ peccata

in flagrantissimum cordis tui ignem; in
immensum amoris tui ac Divinæ Miseri-
cordiæ incendium projicio, ut in illo igne
conflagrent: & accipio mihi ex abundan-
tissimo thesaurorum Gazophylacio, Sa-
cratissimum meritorum tuorum pretium,
in supplementum condignæ satisfactionis
meæ. Meq; ô Clementissime IESV! tam
efficaciter in Cælis absolvere velis, sicut
minister tuus in terris, tuâ me auctoris
tate absolvit Amen.

I N T E N T I O.

Offero Tibi Sanctissima TRINITAS,
hoc incruentum Sacrificium, ad glo-
riam reddendam, prout eam Christus re-
stauravit, ad gustum Sanctissimarum per-
fectionum misericordiæ, Justitiæ, bonita-
tis Tuæ. Ad Passionis Sanctæ memori-
am. Ad gratiarum actionem pro bene-
ficijs mundo, Ecclesiæ, Patriæ, Ordini;
per Creationem, Redemptionem, Con-
servationem factis, Ad satisfactionem ju-
stitiæ Divinæ. Ad unionem cum DEO
perpetuam;

Benedictionis à SSma Trinitate Petitio.

O Sanctissima TRINITAS posside, auge cor meum gratiâ tua, ut piè religiose sancte ac decenter hoc Missæ Sacrificium faciam, ad cultum Pretiosissimæ Matris, Sanctorum honorem, & animæ meæ salutem.

Ad hoc divinum Opus devotissimè ferventissimè atq; Sanctissimè peragendum benedicat mihi indignissimo, vilissimo cultori, Imperialis Majestas; protegat me ab omni defectu regalis Divinitas; custodiat me sempiterna Deitas; defendat me immensa Trinitas; foveat me gloriosa Unitas; dirigat me ineffabilis Bonitas, Regat me potentia Patris, vivificet me potentia Filij, illuminet me virtus Spiritus Sancti, accendat me flagrantissimo amore Divina Charitas, donet me clementissima misericordia, gratiâ efficaci & finali, nunc & in æternum, Amen.

O JESU millies! & plusquam millies desideratissime, ecce jam appropinquat hora, hora inquam felicissima ad peragendum

gendum Sanctissimum Sacrificium. O
 Sapientia æterna! dispone me eâ dispo-
 sitione, quâ Tu Te ipsum ad cruentum
 in Cruce Sacrificium disposuisti. O A-
 mor Divine! accende me eo amore quo
 salutem nostram procurando flagrasti:
 ut Cor meum sit vivum holocaustum
 amori Tuo, & honori consecratum: ut
 vita tota mea, incessanter hac flammâ ar-
 deat, quâ ardent Seraphin, quâ ardent
 Beati, quâ ardet totum Cælum, quâ ar-
 det Sanctissima Mater, quâ ardes Tu, ut
 omnibus hoc Sanctissimo Sacrificio &
 prodesse & ad Tui amorem eos succende-
 re possim. Tu vero ó Sanctissima Virgo
 MATER Misericordiæ. concede mihi,
 pretiosissimum Sanctissimarum virtutum
 ac meritorum ornatum, ad Filium tuum
 IESUM Christum, Dominum meum, in-
 vilissimum animæ meæ thalamum reci-
 piendum.

Et Vos Cælestes Spiritus: Angeli, Ar-
 changeli cum Thronis & dominationi-
 bus afferte vestram puritatem: Apосто-

lorum charitatem, Martyrum merita,
Confessorum sanctitatem, Virginum mun-
ditiem, ac castitatem; ad augendam in
anima mea omnem ornamentorum ac
pulchritudinum culturam.

*Oratio ad Sanctissimam TRI-
NITATEM*

*Pro impetranda gratia unionis, ante &
post Sacrificium.*

Sapientia DEI mei governa me. Pot-
tentia DEI mei sustenta me. Bonitas
DEI mei salva me. Amor DEI mei in-
flamma me. Voluntas DEI mei dispone
me. Sanctitas DEI mei sanctifica me.
Charitas DEI mei solare me. Majestas
DEI mei regna in me. Immensitas DEI
mei reple me. Lux DEI mei illumina
me. Misericordia DEI mei complectere
me. Pulchritudo DEI mei exorna me,
Dulcedo DEI mei penetra me, Magni-
tudo DEI mei è terra attolle me, Pax
DEI mei pacifica me. iustitia DEI diri-
ge me, Sanctissima TRINITAS bene-
dic me; & Sanctum Opus meum nunc
& in æternum. Vene.

Veneror Omnipotentiam DEI per Sa-
 crificium Sacratissimi Sacrificij, venera-
 tor Sapientiam DEI per Sacrificium me-
 arum virium, veneror Majestatem DEI
 per Sacrificium meæ gloriæ, veneror Bo-
 nitatem DEI per Sacrificium desiderio-
 rum meorum, veneror Incomprehen-
 sibilitatem DEI, per sacrificium mearum
 cogitationum.

Evacuo memoriam meam imagina-
 tionibus meis, & tu DEUS reple eam es-
 sentiâ tuâ. Evacuo cor meum phantasma-
 tibus & affectionibus meis, & Tu DE-
 US reple bonis tuis. Evacuo mentem
 conceptibus, & cogitationibus munda-
 nis, & Tu DEUS reple lumine Sapientiæ
 Tuæ in hoc Sacratissimo Sacrificio.

*Gratiarum actio post Sacrum &
 communionem.*

ECce Pater Cælestis, transmissa est ad
 Te salutis Sacratissima Hostia, quam
 Tu de Cælis misisti in terram. Dispone
 nunc benignus, quo mihi miserearis, quo-
 niam quidquid sanctius, quidquid preti-

Osus, in terra inveni, Tibi Augustissimo
 Patri devotè obtuli, & quidquid charius
 inter charos reperi, Tibi in Sacra Ara sup-
 pliciter presentavi. Misi dilectum glori-
 osum Sanctum Filium Tuum inter Te
 & me Mediatorem, quare si me ut indi-
 gnum pro mea despicias iniquitate: respi-
 ce me saltem misericors & miserator pro
 dilecti Filij Tui charitate. Omnis namq;
 spes, & fiducia certitudo mihi est in pre-
 tioso sanguine ejus, qui effusus est pro
 me, & propter nostram salutem. Ad ip-
 sum anhele, in ipso respiro, & in ipso
 confisus, ad Te pervenire desidero, non
 habens meam justitiam, sed eam quæ est
 ex dilectissimo Filio Tuo Domino no-
 stro JESU Christo & nostro Mediatore.
 Amen.

O R A T I O.

Ad Christum Crucifixum.

O JESU Redemptor mi! qui pro me
 crudelissime fuisi Crucifixus, & o-
 mnem Sanguinem tuum pretiosissimum,
 cum lateris aqua, largissime profudisti,
 ut me

me jam incarceratum, & catenis vinctum,
 de potestate Dæmonis eriperes, cui æ-
 ternum mancipatus eram. Gratias Tibi
 quam maximas possum ago, pro incom-
 parabili hoc amore, quo me dilexisti;
 pro atrocissimis tormentis, quæ pro me
 sustinuiſti. Gratias Tibi quam possum
 maximas ago, quia hodiè in me vivum
 monumentum elegisti, & sub sacratissi-
 mis speciebus, panis & vini in corde
 meo quiescere voluisti: Adoro, saluro,
 laudo, magnifico, exalto, divinissimum
 Corpus tot plagis sauciatum, exosculor
 cum reverentia sacros Pedes tuos, & sa-
 cras Manus tuas, pro me clavis perfora-
 tas. Adoro Sanctissimum cor tuum, quod
 mei amore lancea fuit perforatum, &
 promitto potius mori, quam deinceps
 unquam Te intra cor meum crucifigere.

Ad Spiritum IESU.

SPIRITUS IESU, vivat in me per grati-
 am, moretur per charitatem, regnet
 per amorem, quiescat per pacem. Nolo
 & milles nolo ac protestor coram tota

Curia Cælesti & pretiosissima Matre, ut affligatur per peccatum veniale, extinguatur per mortale, amittatur per amorem mundi, depellatur per amorem carnis.

Ad SPIRITUM S.

Veni Sancte SPIRITUS, Pater pauperum, Consolator afflictorum, veni & descende super me, veni & consolare me veni & illustra me, veni & dirige me Sapientiâ Tuâ, quomodo in corde meo tractem Dominum meum, soler gratissimum hospitem meum, amem incessanter amorem meum. Anima me ergo gratiâ tuâ Divinissime Spiritus, sanctifica amorè tuo, amorem meum. Confirma fortitudine tua infirmitatem meam. Penetra unctiōe Tua disjunctionem cum DEO meam. Adopta charitate tua nova mihi charismata. Pacifica inquietudinem meam præsentîâ Tuâ, salva me æternum divinâ misericordiâ Tuâ.

Oratio Sancti Patris JGNATII.

DIVINITAS IESU inhabita me, Persona IESU indivina me, Anima IESU sanctifica

Etifica me, Sanguis IESU lava me, Passio IESU conforta me, Vulnere IESU sanate me, Cor IESU recipe me, Spiritus IESU anima me, Pulchritudo IESU attrahe me, Humilitas IESU deprime me, mansuetudo IESU mitiga me, Pax IESU pacifica me, Amor IESU inflamma me, Regnum IESU veni in me, Gratia IESU reple me, misericordia IESU salva me, Sanctitas IESU consecra me, Puritas IESU emunda me, Crux IESU sustenta me, Glavi IESU configite me, Spinæ IESU coronate me, Fel IESU inebria me, Os IESU benedic me, in vita & in morte in tempore, & in æternitate, Amen.

Preces alie ante & post Missam

Authore P. Jacobo Boyman Soc: IESU.

Audi invitantem IESUM: Venite ad me omnes qui laboratis & onerati estis, & Ego reficiam. Et dic:

VENIO mi IESU, ad te, voce tua invitatus; sed ecce multis vitiorum infirmitatibus laboro; multis sum miseris oneratus, præsta fidem verbis tuis, & ad te venientem refice,

Audi

*Audi clamantem: Hodie in Domo tua
oportet me manere. Et dic.*

O Dignatio! Hanc amas, mi IESU,
ut te oporteat in domo mea manere?
Quis tu, & quæ Domus mea! Felix dies,
quo divinum lutea Domus mea excipit
Hospitem. Veni O Dilecte, Veni, & no-
li tardare; Veni, non ut transeas, sed ut
maneas. Veni de cælo in abyssum, mane;
& de abyssu cælum efficies.

*Audi monentem: Sacrificium Laudis
honorificabit me. Et dic.*

Paro Sacrificium, mi JESU, ! utinam
laudis! & quæ Laus, in ore peccatoris?
peccator sum; tot reus culparum, quot
horas vixi: ut dignè offeram, tu Gratia
tuâ me dignum effice.

*Audi allicientem: Si quis est parvulus,
veniat ad me. Et dic.*

O MI IESU, da ut sim, quem me ef-
se jubes, parvulus in oculis meis, humi-
litate; parvulus in oculis tuis, malitiâ:
parvulus innocentia, & sinceritate, ut tuo
dignus Sacrificio, tuo idoneus consortio,
tuo conformis exemplo inveniar. *An.*

*Audi desiderantem: Delicia mea
esse cum Filiis Hominum & dic.*

Audi anima mea; Deliciae JESU sunt,
tecum esse. Et possunt esse aliae deliciae
tuæ, quam cum IESU esse! potes ne tu,
aut non desiderare anhelantem ad te IE-
SVM tuum, aut aliud desiderare, quam
IESVM tuum? O IESU, corrige viria-
tam cordis mei palatum, ut nullas extra
Sacrificium tuum, delicias deinceps con-
cupiscat.

*Audi Vocem Clamantis: Ecce A-
gnus Dei, ecce qui tollit peccata
Mundi: Et dic.*

Epulabimur hodie, O Anima mea!
Ecce, Agnus, Matre Virgine natus, Vir-
gine lacte nutritus, ab Origine Mundi
occisus, in Ara Crucis assatus, offertur
hodie in cibum tibi. Quid moraris? In-
vitant Angeli, accurrunt Justi, saturantur
famelici. Peccata si terrent? Ecce qui tol-
lit peccata Mundi: Detestare, tu modò,
ac deprecare, & securè ad Sacramentum
Agni accede.

Audi

Audi Clamorem Parabolicum: Ecce Sponsus Venit exite obviam ei. Et dic.

Evigila è somno Anima mea Christo desponsata, excute torporem Sponso invitatum: exi obviam, Fide ducente, Spe impellente, animante Charitate: Venit, ut te mundet Sanguine suo, ut te illuminet præsentia sua, ut te ditet meritis suis, ut te inflammet Charitate sua: felix: si clamorem audieris, si obviam exiveris, si Sponsum exceperis.

Audi Vocem Prophetæ Zachari 5.

Ecce Rex tuus venit tibi. Et dic,

Anima mea egredere in occursum Regis tui: Egredere de terra tua, terrenis, scilicet desideris; de cognatione tua, concupiscentiis tuis; de domo Patris tui, extra fines Carnis, & Sanguinis: Ecce Rex tuus venit tibi! Rex Cæli, tibi terræ Vermiculo, Rex Gloriæ tibi vilissimo: venit, tui captus amore, quæ alios, despecto illo, amatores, secuta es: Venit in cibum tuum paratus, tamen
alios

alios tu Cibos, illo fastidito, concupiscis; venit te Gratijs suis repleturus, quas tu toties turpiter prodegisti: Venit indigno tibi, solâ suâ. inclinatus dignatione; venit ingrato tibi, solâ suâ beneficentiâ motus; venit inutili tibi solâ suâ motus bonitate. Venit infirmo, Rex Virtutum, & mansuetus venit, ne percellat Majestas. O Anima mea, subdere Regi tuo; excute dominatum omnem alienum; non regnet in te Princeps Mundi; non in mortali corpore tuo peccatum: Tu O IESU, esto Rex cordis mei, illudque ita rege legibus amoris, ut nihil sciat, nisi amare te super omnia, & propter te solum, omnia.

Post Sacrificium. Heu me! quid sum ausus? tantam Majestatem in Cordis mei stabulum, imô prostibulum intromit ere? Mirare Cœlum, non abhorruit Rex Cœlli, diversorium peccatoris. Quid dicam mi IESU? nunquid ut ex eas à me, quia Homo peccator sum? Imo vero id rogo, ut, sicut miraculo es ingressus, alio Cor
meum

meum miraculo Sanctifices: Cor meum terræ affixum est, & tu illud, qui solus potes, cœleste effice: ad omnem proprii arbitrii ventum mobile est; da, ut non nisi ad nutum placiti tui moveatur; ad versis sustinendis debile est, Tu illud præsentis tuæ virtute confirma: rebellium perturbationum diversorium est, Tu illud, virtutum paradisum effice.

Actus adorationis. O Beata Trinitas, O Summa Deitas, O Divina Humanitas, O Corpus Salutis meæ Victima, O Anima amoris mei Officina, prosterno me humillime coram Majestate vestra, & adoro submississime, Supremū meum Dominum, cujus me figmentum agnosco, & è nihili mei Abyllo veneror infinitam tuam Majestatem, intimèque gaudeo, te à Beatis Justisque in Cœlo, & terrâ adorari, ac doleo ex animo, à reprobis te, impli que offendi, & desidero, eorum injurias vitæ etiam meæ, impendit compensare.

Actus Gratiarum, actionis. Quanto,
mi

mi IESU, honore, me vilissimum tuum
 Mancipium es dignatus! cui in cibum,
 divinissimum corpus tuum obtulisti?
 Quas tibi pro tanta dignatione gratias,
 vel tota reddere potero æternitate! Ita-
 ne mecum uniri desideras, ut te ipsum in
 cibum Animæ meæ digeras? Itane me
 exaltare, ut te abijcias? Itane me dita-
 re, ut te prodigas? Itane me recreare, ut
 te consumas! O Admirabile Charitatis vin-
 culum! O Verbum, quod pro me inter-
 pellat! O Hostia quæ me redimit! O Vi-
 ta, quæ me vivificat! O Caro, quæ me
 resuscitat! O Deitas, in qua quiesco! O
 Humanitas, è qua Salutem meam expè-
 cto! O dignatio! Hominem me pascit
 DEUS meus: Me peccatorem meus IE-
 SVS: Me terram, Cælum meum: me
 malitiam, Bonitas mea. Quorsum illud,
 Mi Iesu? Hominem me pascis ut DEUS
 sim: peccatorem, ut Salvus sim: terram
 ut Cælum sim: creaturam, ut in Creato-
 re sim. Malitiam ut transeam in boni-
 tatem. Et cur non sum ille, toties passus
 à IESU

à Iesu meo? Adde illud dono tuo, mi Iesu, ut sim qui esse debeo. Sed quid reddam, toties, & tam miris modis meo? Ego è nihilo egressus, in nihilum toties regressus, totus nihil, reddam tamen, quidquid sum, habeo, possum: Et quid quid deest de meo, reddo de alieno. Omnes inquam Gratias, quas, Divina tua Humanitas, unquam Deo meo reddidit, aut est redditura; quas Virgo Mater, quas mentes Angelicæ, quas omnes Beati, quas iusti universi, unquam reddiderunt: optoque ut in Cor meum transeant omnes illorum affectus, quibus dignas tanta Liberalitate gratias, tandem rependam.

Actus oblationis. Offero tibi, Mi Iesu me ipsum, mea que omnia, jam pridem repetitis toties votis meis, tibi consecrata Offero proposita mea omnia, te dante concepta eaque desidero, Gratiâ tuâ ad jutus ad punctum explere: Offero quid quid largiente te habeo, te adjuvante possum: Cor ut amet te; linguam, ut laudet te; manus, ut serviant tibi; pedes, ut sequantur

sequantur te. Offero firmum animi mei decretum, nunquam te peccato ullo lethali, sed nec deliberato ullo veniali, deinceps offendendi, perfectionem actionum mearum sectandi, molesta æquanimiter ferendi, in obsequio tuo perseverandi. Suscipe mi JESU. totum me, & transfer in te, ut vivam jam non ego, sed tu in me, quoad ego in te tandem vivam beatè æternum.


Actus Petitionis. Sed quid Offero, Mi JESU, ipse egentissimus? Cur paupertatem meam coram te non explico, tenuitatem meam non prodo, Infirmitatem meam non agnosco? Patere mi IESU. me infimum mendicabulum tuum supplicare tibi: Ecce vitiis, & imperfectionibus plenus sum, munda me, Gratiis & virtutibus vacuus sum, dita me; morbis, & miseriis repletus sum, sana me; Dona veniam peccatori, relaxa pœnam debitori. da Gratiarum & virtutum augmentum, largire perseverantiam in benecæptis, præsta Cor Mundum à contagiis vitiosarum consuetudinum, à turbis perturbationum, ab insidiis tentationum, ab actionum tepore, vitæ languore: præsta & Corpus sanum, & firmum ad obsequium tuum; Dirige ad placitum tuum, omnes animæ facultates, Intellectum Fide & Sapientiâ tuâ instrue, affectum amore inflamma, memoriam præsentis tuæ recordatione occupa.


Dirige eodem, & Corpus meum, omniaque
ejus

ejus membra; ut nullum unquam inde aber-
ret: atque uti Divinitate tua, regebas Huma-
nitatem, animam ejusdem & corpus, sensus,
& membra: ita & in me eadem rege. Confer
vires adversus ardua omnia, & difficilia: Ser-
va humilem in prosperis, fortem in adversis,
Donat Ecclesiæ tuæ Pastores studio, & curâ vi-
giles, vitâ exemplares: Justos in eadem mul-
tiplica, Tepidos excita, peccatores justifica,
Infideles illumina, afflictos solare, Adversari-
os concilia, Defunctos libera, da denique pe-
tere, quod tibi placet dare: obtinere, quod sa-
luti meæ expedit.

Ad M. D. G.







Biblioteka Jagiellońska



stdr0024911





J. M. L.
D. M. L.